



序

余總角卽與虞山同補博士弟子員又八年而同研
席遂爲金石交風雨不輟聚散不相忘死生相信其
情志凝結尤在嶺海一行遑返經年歷舟車二萬餘
里飲食起居山川雲樹作息必偕形忘神洽幾不知
有兩人卽此後予浮沉宦海無定所而虞山高蹕自
遍甌閩荆楚燕齊間天各一涯梁州慈恩寺之夢寃
若同揆其卒也予適抱疴陳情歸里得與虞山永訣
於易簣之前二日起端坐手古調堂集謂畢世精神

序

惟此而已予固已心諾之及其子欽世彙輯見貽已
多散佚越今六年予遭先君子大故藥藥憂服中髮
白齒落支牀伏枕自顧生平未了事種種良友遺書
其一也比歲藉錢唐馮山公常熟朱雪鴻兩先生選
其尤者得五百餘首急授之梓嗟乎虞山之詩自在
天壤何待予傳予獨念虞山生平性情閒曠貧而好
學至老靡倦且虞山故高門也世食舊德有良田千
頃顧隸軍籍恆爲衛弁所剝蝕夷然不之問惟把卷
行吟登臨自遠於是家漸落烽火後戍兵屯新城井
邑皆營壘而虞山先人之敝廬並失其後河決又喪
其土田遂奉母携妻子隱於湖水之濱與同里靳茶
坡應昇閻再彭修齡詠秋心詩高懷放適不復問人
間理亂未數年湖復大漲草堂盡沒還奉母入城而
家計益困仰事俯畜多所不支不得已索米四方士
大夫重其名而招致之者亦復不絕足跡所至半天
下凡忠孝節烈之墟憑弔悲歌徃徃徘徊信宿不能
自已決非若飢驅而出者虞山敝衣蔬食而奉母備
極甘旨世多其孝至於友朋晦明纏綿悽惻有古風

人之致嗟乎是虞山之性情卽虞山之詩也天下之
寶天下共見之安俟予言而傳哉時爲己巳季夏予
病臥且半歲神情瞶亂追憶故人生平不能詳爲畧
識其梗概如此同學弟丘象升拜撰



古調堂詩集目次

丁亥人日與靳茶坡

春日荅友人見詢四首

春霽詠懷

中秋同程維東坐山亭

分卮字

秋望和靳茶坡韻

九月十一日紀事

哭吳琴師客死漣水

雨中初過一蒲庵與閻再彭夜話

留別救拙

燈影

贈李小有

雜詩三首

雨集郭子駿草堂送別許葭水得侵字

摘瓜豆詩

秋心七首

哭張紫賓

鷓鴣行

送二鶴之一蒲庵

吞聲

歸隱白馬湖留別望社諸子四首

三月六日携家歸白馬湖

月夜一蒲庵別再彭放舟西溪二首

西溪舟中

夕霽

荅張子美水部見贈歸漁詩

渡黃河

別吳姬望八載矣是夕

聚再彭席上限韻

雨後社集僧樓明日余

先歸

荅陳廕倩

秋原晚步同茶坡嘿生賦

河上望歸騎

送萬年少歸南村

涵萬偕兄歸贈別

觀獵

一蒲庵堤上栽七柳歌

南塘捕魚

河堤坐月

得茶坡書和韻

漣水道中

漣水夜歸

冬日田園雜興

臘月十五夜同再彭鶴

巢望月

除夕示欽兒

蚤春集茶坡草堂喜趙孟遷適至留飲

悼鶴

舟中聞笛

訪僧

遲月

聽棋

寓崇福觀旅夜書懷

寓中雨夜懷茶坡

江南別

春夕過一蒲庵次萬年少韻

賦得夜火連淮市

賦得將家就魚麥

聞徐大拙自豫章歸寄訊

全茶坡再彭避暑一蒲庵五首

七夕琴歌贈楊太常

和陳臥子先生秋興

十首

哀南村和唐祖命

雨中看官凝之書海賦

唐祖命書江賦

秋日對鏡自悲

惜捐二首

九日閒居

范麋生席上丘季貞戲唱紅兒歌罷雪兒歌絕句

貽余與明農同人皆用爲起句亦和之

彥遠見訪忘予門徑問道旁無應者聞琴而入因

出奉懷詩示之

青谿行

中秋金山卽事

遊潤州城南諸山

雞鳴行

送龔芝麓奉使嶺南還

朝

侍御鶴冲金公毓峒死

難始末敬製樂府

四章

焦山

訪冰士上人和再彭

送高漢思遊西山

二月二十五日大雪

再彭招同茶坡楊氏園

看桃花

大風雨問昨日桃花和

丘季貞

登劉伶臺

三至金山

雨中懷百詩

楊太常病篤賦詩傷之

三首

初冬同再彭湖心寺觀漲

季冬十三日晚飲梁公狄宅雷電風雪一時竝作

至夜復晴賦詩紀異

送丘季貞之錢塘

落花

陳階六給諫出叅閩藩

三首

送張鞠存吏部謫黑水

監

庭蘭一枝獨秀贈子度

陳實菴自江南來話京口事

聞龔芝麓再謫二首

四月桂花

丘曙戒侍講左遷瓊州別駕二首

送孫豹人遊中州
同社招曙戒季貞集湖

心寺

舟小

將抵鹽瀆

將之嶺南拜別老母兼

示妻子

花朝泊廣陵

舟中留別孫豹人龔半千

瓜洲阻風有感

姑蘇懷古

京口西發別丘季貞却歸淮上

江上觀曙戒季貞別

天門山

三山磯

登迴瀾閣見丘季貞題

壁詩同曙戒次韻

登湖口城樓

石鐘山逢談長益

鄱陽湖

樵舍驛

滕王閣

玉笥山看雲

晚次新淦

金川聞笛

廬陵蚤發

野人送蠶豆

百嘉村折石榴口占

十八灘雜詩三首

虔州遣興四首

雨中同丘曙戒聽鷓鴣

五侯峯

橫浦旅舍

梅嶺雜詠四首

蚤渡濛濛

彈子磯

泊瀧頭硬灘

望夫山

英德夜泊

清遠峽

佛山

羊城懷古

嶺南竹枝詞二首

嶺南公舍寄懷陳階六

閩中

偶啖檳榔衣染紅跡因

憶丘季貞送別詩有檳榔滿口血沾衣之句賦

寄

端州西望

腰古驛午泊

紅沙晚步

水車

新州野泊

息黃牛灣登白石寨洞壑深邃是土人避亂處

蚤過邗烏山

陽春道中

山行卽事

宿太平驛二首

晚次電白縣

雨行茂名道中

高州晚霽對月

化州以南石城遂溪兵

馬充路聞戒志感

前出洋

渡海行

海月醉歌效長吉體

英利道中

抵徐聞縣戒嚴

徐聞圍解登登雲塔望海南

後出洋

抵瓊州三日喜澹歸師

書至賜和海幢奉訪詩再疊前韻

立秋

海南篇爲丘曙戒生日

平黎曲二首

海南秋興五首

海南竹枝詞五首

濂濱

遂溪道中

化州山行三首

電白客夜遣懷

登山有感

天堂桃花

登七星巖

海幢寺澹歸師留齋

宿滇陽峽

曲江

亂石灘微雨復晴

雨泊劍峯灘

嶺上看梅

冬至詠懷三首

板子磯

金陵懷古

凍阻甓社湖夜望

古調堂賦得萬里一歸人

苦雨謠

爾嘗姪田居二首

聞丘曙戒覲回入里

題丘曙戒三入燕詩後

六月六日再彭宅觀畫歌

再彭集東湖送方爾止遊山左

閩古古歸里飲再彭宅酒酣聽曲慨然賦詩用壁

金上韻

中秋鼓吹曲用古古韻

二首

夜集王貽上和其中秋

兩冊子

留別陳伯璣渡江

慧山竹枝詞二首

千人石

樵李道中

同丘季貞宿旅堂

過方干故里二首

泊桐廬

七里瀨

登嚴陵釣臺二首

西臺弔謝皋羽二首

從金華入永康山行雜

詩二首

榻上與季貞

永康移寓

永康竹枝詞三首

憶災

遊上封寺

望八素山有懷同志諸子

華谿野步

宿松溪嶺下

松溪嶺夜發

野庵乞茶

夜抵嚴州問宿

騎馬入嚴州山城

雨中重過釣臺欲登不得

訪孫宇台不值

聞故鄉河決

曉渡楊子江

邗江道中逢丘曙戒入

粵東山行別同志留于丘曙戒招同鄭掌和龔

半千孫豹人陳伯璣朱秋崖紅橋泛舟

過水士精舍見榆錢戲筆

劉叟藏酒四十年余得飲之賦一絕句

同方爾止哭茶坡墓

羈客

過仙霞茶嶺楊姑小竿大竿五顯諸嶺

仙霞嶺

自漁梁梨嶺至浦城

閒步

大羅灘

清州

水口觀泉二首

遠客五首

竹

桂

芭蕉

蝶

六月二日夢丘曙戒因

感舊事六首

白蓮驛

汀州道中

家書聞丘曙戒還里即

寄

再宿石牛驛

古詩堂集
將樂道中

雙峯道中

中秋昭武對月憶家

雨霽舟行

延平晚泊

閩中秋興二首

羅源道中

福寧道中野望

過謝皋羽里

福寧署齋

出福寧城

歷大梅松蘿二嶺

蚤登廉嶺

蚤發寧德

人日

閩江春暮懷古四首

古田道中值老母生辰

自困溪歷延平抵建寧

雜詠七首

上灘行

建寧官舍有感

畫眉

鷓鴣

三山客舍

盧師維將歸余有興泉之役賦別

烏龍江晚渡

惠安得家書

蒜嶺驛蚤發

過洛陽橋弔蔡端明

泉州九日

建溪蚤發

漁梁旅店

楓嶺道中

衢州江上晚酌

一草堂梅花雀啄止餘

古詩堂集
目次
十一
一枝偶同王式之過訪喜劉雪舫吳俊若繼至
因招施又王不見漫作

閻再彭城南詞索和
水邊看桃花同又王再

彭三首
初夏送閻百詩之山右

黃大宗招集吳興公施又王馬西樵程婁東泛舟

謝陳階六贈方竹一枝人面竹二枝

懷暉道生向
懷釋友蒼大嵩

懷梅杓司磊
懷鄺無傲日晉

九日喜高漢思王帆仙蔣荆名見過

西樵山人歌
送丘曙戒補倅武昌

送杜于皇移寓
將之楚留別同學諸子

潯陽野望
丘曙戒招飲留宿署齋

送丘曙戒之洞庭
大別山

黃鶴樓欽兒彈琴次閻錦濤韻

丘曙戒署齋初成讌集同人

歌妓芳塵持箋索詩走筆寓意

九月一日蕪陰見菊
病起

遠遊館爲再彭賦
送孫無言歸黃山

古詩堂集
目錄
賣硯

斜川生歌

春懷雜詠六首

懷丘曙戒鄂渚二首

傷蔣荆名羈旅二首

送徐青瑞元墓看梅

懷同學六子六首

花朝張雲子招飲東溪

未赴二首

倪天章薙髮爲僧暫歸

一草亭奉訪

寒食有感

丘曙戒轉運楚糧過里門投贈二首

丘曙戒席上贈衡州呂季成黃州宋牧仲二別駕

雨中陳階六黃門招同孫惟一學士奉陪周櫟園

司農限韻

送閻百詩紉蘭歸太原

省試

張鞠存吏部招陪周櫟

園司農曲江樓看牡丹余因醉臥丘曙戒翰林

桐園三日未歸遙和其韻

送春

雪巢牡丹移種臥山草

堂越十年矣重得見之因讀茶坡再彭舊句慨

然作絕句二首

北村魏家看紫牡丹

雨夜舟中與丘曙戒共榻話別

送閻錦濤之任安溪

欽兒將之安溪以離家

古詩堂集
至閩山川風土爲問拈四十八韻示之

哭張伯玉
九日新晴過王阮亭丘

季貞不至
過胡天仿齋

荅人問余結廬何處
寓青溪庵弔鄰祠黃忠

烈公
青溪庵夜懷丘曙戒

可憐二首
雨中黃犬宗設蔬茗邀

南菴上人山亭看梅
寒食拜始祖墓有感

清明過米士精舍
閩叅議畫像歌

閩百詩携酒桃花園
哭胡彥遠墓

登鼻亭山同山曉哲禪師
秋日黃大宗招同張祖望孺懷諸駿男虎男徐武

令程濰東宋份臣嵇師巢西湖舟集

送嵇師巢遊閩中
秋夜同林鐵崖陸冰修

黃大宗泛湖醉歸昭慶寺

下相烈婦歌
春草

閩百詩誦東坡改白香山寒食詩聞之凄然和其

韻
負母看花圖爲袁重其

賦
贈陸逃夫

董戒山太守雨中枉過草堂不值

苦雪
後苦雪

下相懷古
蚤發南陽湖

謁仲廟
望南池

張秋雨霽懷喻非指在江南

遊東昌園亭
臨清州

懷謝茂秦先生
四女祠

舟發天津至桃花寺
河西務

中秋楊自西都諫席上得花字

紀伯紫寓齋對酌
何崑學席上次連清可

韻
關相遇薊門為留三日臨別以家書託之
閣古古從河套入紫荆

雪霽陳石菴約醉鄉居小飲

程濰東自平谷以米炭桃栗見餽賦謝

送何崑學別駕建寧
長安歲暮詩

何潘二子席上戲贈較書

送羅西叔下第歸武昌
清明

立夏前一日同人遊刺蘆園得花字

七夕同丘曙戒擬迢迢牽牛星用陸平原韻

丘曙戒生日原韻寓齋秋日雜感三首

李雷中舍人席上送丘曙戒旋里

池亭閒步遣懷二首 蔣節女

元旦東白平公以水災修送杜湘草旋里

春懷二首 三月晦日黃大宗抵都

門以詩見投次韻 安山晚泊同黃大宗蔣

寄漁程然明就深林野飲限韻二首

太白樓 南菴自白門返湖心寺

同杜湘草程宛超方聖與黃大宗過訪不值

燈夕憶去年在都門 荅蔡靜子

何烈女墓 懷陳階六鞏昌

合浦霜鐘 秋暮雜感五首

穀日雨 寧夏書來聞陳階六已

離鞏昌 憫水

初秋程次清招泛蕭湖黃園二首

重陽前三日嚴顥亭少司農潞河書至憶癸丑都

門見招亦是日也 紅樹樓同蔣荆名持螯

送胡天仿之東海

登龍光閣

歲暮雜感

除夕

花朝

春愁三首

賦得三月正當三十日、再彭城西放舟

琉球貢使挂百錢釣臺再拜而去感作

觀荷

予自閩入粵徧歷燕楚

吳越之間既歸田園荒蕪殆盡偶臥靈水姪孫

齋中漫吟一律

春暮過漣莊喜嵇爾卜

姚仁長置酒相招

山堂共學

秋心聯詠

蒲菴遁迹

飲牛招隱

南徐秋舫

白門冬涉

粵遊春別

客閩寄書

適燕助裝

海烈婦祠

季夏宴集楊園觀荷

過廬山二首

吉水聞鷓鴣續辛丑端

留州夢中句

廬陵感事

附集杜

庵居呈再彭四首

附詩餘

雨過訪王玉暎吳山宐樓值移居

留別張圯師孺懷

嘲蕭九娘

蚤起望山頭雪色有感

平望舟夜煎茶

烟湖

目次畢

古調堂集

淮陰張養重虞山著

丁亥人日與靳茶坡

草堂誰問世沉淪未敢懷高獨守貧山嶽爲形驚衆目
乾坤何地穩吾身心儀往代衣冠古愁望西園草木新
賴有故人裁短葉醉吟春興日逡巡

春日荅友人見詢四首

習成真嬾病難除只爲窮愁喜著書春色漸深門尚閉
不知花鳥亂吾廬

古詩堂集
一葉作枕娛清夢。片石支門過小年。此外盡闕杯裏事。
離騷讀罷亦徒然。
近日新詩亦滿瓢。可堪情事只蕭蕭。強爲收拾看花興。
雪屐躑躅懶過橋。
斷髮歸林古逸民。數千年後有吾身。糊塗占得虞山字。
慚煞當初採藥人。

春霽詠懷

銷盡春光亂雨中。浮雲吹淨碧烟空。林邊漸到看花友。
谿上還多理釣翁。愁動萬千經世變。事常八九說途窮。
年年無興留春住。一任啼鶯怨落紅。

中秋同程維東坐山亭分卮字

山澹秋來遠。松深月到遲。此生同落葉。今夜得銜卮。大
雅人爭重。離騷心自知。石根渾漫語。形影各參差。

秋望和靳茶坡韻

佳思在平楚。登樓正可尋。白搖高浪影。紅澹落楓心。鳥
去依烟亂。雲歸隔水深。夕陽迷遠道。俯首一微吟。

九月十一日紀事

霜風覆城天欲曉。冷冷月照河邊草。一聲雁過將軍營。

古詩堂集
四面吹角秋心老孟浪萑苻無賴兒揭竿競起淮陰道
深入嚴城學跳梁荆軻弗密舞陽小短兵巷戰黃塵昏
可憐血刃隳肝腦事既不成死無名空餘腐肉飽烏鳥
哭吳琴師客死漣水

年年斷續對琴尊一語相期古道存
叔夜自能通鬼曲戴逵終不羨王門
前書珍重三秋病後約飄零萬古魂
欲展焦桐彈未得至今絃上有遺痕

雨中初過一蒲庵與閻再彭夜話

蒲帆今日覓幽棲門外春風繞大堤
香氣乍聞僧說法筇音纔過虎鳴谿
十年情共禪牀雨一夢身隨野店雞
回思曲終絃欲絕但餘流水咽湖西

留別救拙

樓外參差雨湖邊寂寞僧
心依雲澹澹門接水層層
來往通羣鳥朝昏坐一燈
扁舟我竟去辛苦悟三乘

燈影

夜火搖白波轉覺星光淡
前村與後村穿林互明暗

贈李小有

牢落生平不問天一官閒臥白雲邊
長江半是饑時路

古詩堂集
明月都歸客裏船

著有饑驅
明月諸詩

可歎文通貧病日兼逢子

美亂離年高吟大醉開懷抱號爾山中老謫仙

雜詩三首

吾生亦自樂貧賤安可違學道十餘年性情頗有歸賦
詩見高託彈琴揚古徽曠心游物理甘爲世所非南山
有茅屋吾將採其薇

野無百畝田城無二畝宅昔日隴頭行美人刈春麥歸
家視斗筲曾不充朝夕貧非無故來謝之理或逆介介
一狷流此心有真適

獨居尚冲漠山鳥漸有音童子叩門來遺我以清琴云
是湖陰客遙念故人深寂寞恐相失慰此朝夕心斂衣
對童子一彈山居吟彈罷童子去暮雀鳴高林

雨集郭子駿草堂送別許葭水得侵字

草堂分雅坐屐齒受苔侵石雨洗佳色松風吹好音樽
前吟握手花底別傷心爲覓子春去空懷海上琴

摘瓜豆詩

南園種瓜豆仲夏漸成蔬凌晨課童僕帶露向園鋤瓜
豆日已好採摘日已疎野人惜物力毋令籬架虛有客

古詩堂集
投軒來愛我，畦上居肯留。數昕夕，與君飽其餘。

秋心七首

落葉哀蟬處處多，故人幾日未曾過。青楓露冷誰堪此，
白雁天高可奈何。鐵笛一聲梅嶺月，瑤琴再鼓洞庭波。
山中自許舒清嘯，莫向湘潭賦九歌。

豆棚瓜蔓掛秋垣，僻巷人稀久閉門。清夜城笳回角枕，
夕陽漁笛暗溪村。憂時自著江郎賦，懷古空招楚客魂。
世上悠悠何足問，孤雲野鶴共朝昏。

夜深四壁泣寒蟲，門徑蕭然澹有風。清興不隨人事減，
愁心多與去年同。明河影動千林外，野水聲飛萬壑中。
此際懷人惟獨坐，一天涼露冷梧桐。

秋草無光白眼迷，平原走馬暮山低。田園蕪穢銷塵土，
兒女奔馳泣鼓鼙。淡月一村羣犬吠，荒雲滿地亂烏啼。
柴荆靜掩貧如洗，敲火寒炊飯野藜。

傍樹依岩一草亭，風塵歷盡似飄萍。霜乾水冷芙蓉舫，
木澹雲空翡翠屏。對影呼天傾白墮，臨軒掃榻寫黃庭。
搢頤莫向西山望，戶外秋聲不可聽。

石頭城外昔曾游，六代風烟古帝州。碧樹參差吳苑晚，

古詩堂集
五
青山寂寞晉宮秋。遙看一帶朱旗繞。忍說千尋鐵鎖流。
回首繁華猶旦暮。茫茫江水使人愁。
南浦愁深雁到疎。美人天際幾封書。白雲明月湘娥影。
桂水梧山帝子居。滿地蒼波聲不盡。三秋紅葉意何如。
西風昨日孤帆過。聞說東吳已鱸魚。

哭張紫賓

白門返棹正霜深。及爾相招過竹林。猶記傾觴謀好約。
何期落葉動孤吟。別纔兩日聞多病。夢斷三秋不可尋。
幸有茂陵遺稿在。故人空自哭亡琴。

鴟鴞行

雄鳥結巢雌銜枝。巢成生子不相離。鴟來我去將其兒。
飛鳴繞樹聲何悲。歸來歸來復幾時。

送二鶴之一蒲庵

野帆同載下湖陰。數畝幽居待爾尋。出入有期依靜衲。
飛鳴隨意適高林。水田歲足常餘餽。夜月懷多必共吟。
縱欲凌雲休便去。暫時相伴慰遐心。

吞聲

細雨出城步遲遲。河上草庵人不知。我來剝啄方入戶。

老僧倚闕如有思，錯落架前名蹟多。次第取閱光陸離，
獨有一軸秘不發。命我再拜許我窺，焚香展視滿垂淚。
風雨龍蛇繚繞之，聖人命意在光大。千古傷心非所期，
野夫今日得不死。吞聲飲恨徒爾爲。

歸隱白馬湖留別望社諸子四首

一帆遙曳下春湖，勞爾親朋隔水呼。只待魚肥期過訪，
柳陰船上覓潛夫。

也無書畫滿春船，簡點空囊只半肩。歸到草堂溪曲處，
打魚沽酒杏花邊。

水國何堪託一身，必須此地匿山民。雖然唱和無佳客，
湖影村光儘媚人。
心穩不知山夢遠，枯籐一束在牀頭。紙牕睡足三更後，
鄰火隔牆歌飯牛。

三月六日携家歸白馬湖

背郭呼船到草亭，孤帆一路柳青青。自憐子美貧兼亂，
殊似淵明影荅形。到處有情尋釣舫，何人相伴看春星。
歸來只覓中山酒，痛飲無煩誦楚經。

月夜一蒲庵別再彭放舟西溪二首

鶴墩遙與草堂連，春水縱橫遠拍天。此夜月明人獨返，
前溪正過打魚船。鐘聲送客水千灣，倚月微吟一艇還。沙上眠鷗驚不起，
此時方識野人閒。

西溪舟中

舍北舍南暮水平，山妻吹火逐灘行。生柴自斫炊菰米，
何處移舟無月明。

夕霽

雨光懸萬樹，暮色總堪携。落日銜山遠，垂虹飲澗低。雉
飛平麥隴，牛返下沙堤。歸臥衡門晚，涼生小院西。

荅張子美水部見贈歸漁詩

豈因天地隘，釣入野烟深。一懶成高臥，終年只此心。何
期迷洞口，詎敢效淮陰。對酒吟佳句，孤舟漾夕林。

渡黃河

停車問渡古黃河，帆捲迴風激浪多。東走赤沙晴挾雨，
南來碧樹晚連坡。千尋岸立翻輕燕，萬里波渾吼巨鼉。
落日欲投荒店宿，恐驚魑魅暗中過。

別吳姬望八載矣，是夕聚再彭席上限韻。

草澤相傳處士名，八年風雨各深情。甘留一拙全吾隱，
恥列雙眉逐衆行。蹈海魯連原肆志，懷沙屈子亦吞聲。
與君好覓漁樵伴，花逕高懸石榻平。

雨後社集僧樓，明日余先歸。

梧桐小閣易生秋，極目蘋花見遠洲。高樹寒烟孤鳥過，
大湖涼雨一天收。百年對酒留青眼，明日開帆起白鷗。
馬首若尋南道主，草堂相待看吳鉤。

荅陳廕倩

感君惜別立河橋，纜隔晴湖野水遙。梵閣幾人憑夜月，
蘭舟何日逐秋潮。鵲鴿憔悴空原恨，猿鶴哀涼旅夢消。
此去隱淪無復問，江南江北總漁樵。

○秋原晚步同茶坡嘿生賦

茆庵遙傍小橋流，蠟屐追隨偶一游。詩客暮雲筇竹杖，
美人秋水木蘭舟。風吹野圃除殘架，日照荒山下夕牛。
回首不堪城裏望，徘徊又動故園愁。

河上望歸騎

秋草郊原落日黃，塵沙萬騎度平岡。風吹鐵甲鳴馱背，
雲捲牙旗斷雁行。蘆管城頭思故國，琵琶馬上泣他鄉。

古詩堂集
楚囚且掩新亭泪、聞說嫖姚在朔方

送萬年少歸南村

歲月忽已改、北風吹客舟、杖策入城郭、徘徊念良儔、良儔皆古歡、城郭非昔遊、懷此常惻惻、躑躅語道周、中心悲不已、拂袖歸山丘、仰聽鴻雁鳴、俯瞰大河流、流水無西返、鳴雁自春秋、一去不回顧、高臥南村頭

涵萬偕兄歸贈別

臘盡牽維東渡江、誰憐兩月客他邦、舟前冰雪凍千里、天上鵲鴿飛一雙、當日風流烏巷謝、而今高隱鹿門龐、歸歟且啜南山豆、好對疎梅坐竹牕

觀獵

弓箭橫腰舞狄鞮、平明射獵出城西、荒原白日翻鵬翮、夾道黃沙障馬蹄、十里寒霜連草沒、千山古樹入雲齊、試從風外聽絃響、烏雀驚空帶乳啼

一蒲庵堤上栽七柳歌

山門不開山路幽、老僧高臥青溪頭、門外春風吹古渡、山鳥欲來棲無樹、自携長鑱上西岸、參差植柳路不斷、偶然七株非有心、七株成樹山自深、指日春陰綠滿堤

出門倚杖聽鶯啼

南塘捕魚

豈爲臨淵羨，方塘雨過新。
清風吹破網，深草急芳鱗。
多取非吾意，羣爭笑衆人。
脫身何不蚤，到處有危津。

河堤坐月

水色偏空夜，清尊向月停。
風生千疊浪，吹亂一灘星。
路曲螢能照，林深鳥不醒。
坐來莫厭久，漁笛遠堪聽。

得茶坡書和韻

涼風初下榻，却喜得君書。
語簡兼農圃，情真略起居。
素心時送酒，淺水易圍魚。
倘愛斜陽好，扁舟意莫虛。

漣水道中

水落黃河欲降霜，奔湍萬里勢蒼茫。
人烟近眼先紅葉，客路催行半夕陽。
大野晴雲飛海鶴，西風秋草伏天狼。
短衣匹馬投村店，豆粥孤燈共一牀。

漣水夜歸

殘水留寒月，宵征路正長。
人迷黃葉渡，馬縮白橋霜。
野衲隨鐘起，田夫喚犢忙。
河流聲不遠，夜半更蒼茫。

冬日田園雜興

古木吹平野、南山已罷耕、依牆屯犢豕、就日補柴荆、開
瓮當蔬熟、呼鄰遣稚迎、明朝傳社臘、比戶各歡聲、

臘月十五夜同再彭鶴巢望月

寒雲吹盡月來初、春影秋光總不如、入水無痕千澗合、
與霜同照一林疎、黃蘆岸上飛雙鶴、白板橋邊臥老漁、
此夜能遊俱耐冷、何妨西閣更憑虛、

除夕示欽兒

抗俗非吾意、因貧俗轉逃、衆人嗤道左、知己愛風高、落
莫餘今日、饑寒念汝曹、閉門無一事、閒殺舊青袍、

蚤春集茶坡草堂喜趙孟遷適至留飲

草堂開北岸、雙屐裹泥登、樹影封層雪、河聲走斷冰、幾
年虛舊社、千里到良朋、壯志還如昔、霜華兩鬢增、

悼鶴

只作游仙去、何須論死生、月來猶憶舞、鐘過不聞聲、緱
氏留清夢、遼東是故城、作銘聊瘞汝、春草與墳平、

舟中聞笛

荒城春暮楚江流、鐵笛生寒兩岸秋、昨夜落花吹未盡、
隨風一片入孤舟、

訪僧

疎柳遮門水半灣。老僧真覺一春閒。曉來有客扶筇過，
自掃晴雲下竹關。

遲月

共携濁酒上高臺。十里烟雲晚自開。此夜不眠江上望，
清光先向水邊來。

聽棋

午院花繁靜客心。丁丁偏向夢中深。起來遶戶無人跡，
清響依稀在隔林。

寓崇福觀旅夜書懷

一枕新涼木葉疎。秋燈風亂客牕虛。孤螢帶雨沾山瓦，
饑鼠窺人鬪野厨。偶病不辭江上酒，因閒分讀道家書。
故人相勸加餐飯，隔岸何從問鯉魚。

寓中雨夜懷茶坡

虫聲響四壁。涼風襲我帷。此時遠客心，有懷將語誰。山
樵爲我友，聞秋應相思。遙念江南客，瞻望征帆遲。不知
風雨苦，尚羨山水奇。感此不能寐，益歎輕別離。起呼飲
牛叟，江南非久羈。明日理歸楫，故園同採葵。

江南別

既別江南路尚見江南山
秋山如送遊子還指顧不離
襟帶間須臾化作青螺鬟
輕烟遠舍別離顏乘風忽過
數十里不見秋山見秋水

春夕過一蒲庵次萬年少韻

鳥啼春寺晚一徑野烟生
客至披荆入樵歸隔水行思
隨官柳發心向佛燈明
獨念南游者蕭條江上情

賦得夜火連淮市

和杜于皇

四月維夏天氣長杜子張帆下維揚
晚過珠湖不肯住遙指淮陰乘風渡
兩岸漕艘八十里檣燈纍纍一時起
火樹搖光光燭天千帆不動影相連
此時杜子感慨多心傷往事淚如何
當年海運風波惡東南民力悲蕭索
此河一開天下通至今猶憶平江功
邊疆強富數百載倉皇一旦山河改
昔日飛輓寧不足今日銜尾淮水曲
可憐世事反掌間對此那得更開顏
須臾夜闌燈火息獨掩篷牕聲寂寂

賦得將家就魚麥

薄田阻大河離家百里餘
饑來呼稚子移爾隴上居
稚

古詩堂集
子不畏勞觸熱負琴書風塵撲須面日暮稅我車旱泉
苦不深垂竿亦有魚夏麥苦不熟升斗諒可儲雖曰非
甘旨聊免填溝渠

聞徐大拙自豫章歸寄訊

多時曾未接君書消息相傳江上虛白髮辭家千里外
黃塵作客兩年餘逢人西望驚殘燧說爾東歸臥敝廬
何日尊前頻剪燭浩歌攜手樂樵漁

全茶坡再彭避暑一蒲庵五首

避暑清涼地登樓正落暉樹喧山雨過燈暗草虫飛星
影低還隱荷香遠欲微南風來自好莫遣閉僧扉

野寺清堪住兼臨雲水鄉稻花蒸日晚瓠葉動風涼移
坐隨林影閒行繞石梁無人爭片席高臥老僧牀

晴日過山家柴門向水涯僧閒惟治藥客倦且澆花荷
葉朝承露水盤午薦瓜楸枰聲正歇竹影漸低斜

厭暑常思雨聞鳩心亦清倚樓看水色欹枕聽泉聲
熟餐多減茶香夢不成上方真極樂端坐到深更

爲愛風林好憑虛坐小巢水常侵碧檻牕盡俯青郊野
荇肥溪雨水桃飽樹梢日逢清淨客程晚未須嘲

七夕琴歌贈楊太常 有序

太常名正經，西陽宣慰司人。初官總戎，崇禎時郊廟樂章失次，宗伯林欲楫薦正經審音律，改中書樂成。晉太常賜漢琴，唐琴各一，甲申流寓淮海，自製二操，一曰西方思，思君也；一曰風木思，思親也。壬辰七夕，余聞二操而悲之，為作歌。

七月七日絡緯啼，新月易落天河低。西陽山人製新曲，徵音激越風悽悽。此曲未終雙泪出，更言家氏本巴西。少年讀書通聲律，壯志從戎事鼓鼙。先皇郊廟奏雲英，琴瑟空陳絃不鳴。大典無光聖顏戚，孝思何以達幽明。下訪臣夔咨臣楫，臣楫稽首曰臣經。少諧律呂長擊劍，

手提十萬備邊庭。聖恩特詔語皇皇，惟汝臣經典太常。奏上明堂雅頌正，經營一一協宮商。運逢甲申龍戰死，回首西山血尚紫。孤臣不如雷海青，南走江河泪不止。景陽宮裏鐘鼓絕，凝碧池頭管絃咽。琴瑟都成爨下薪，伶人半似風中雪。今日羈孤淮水涯，故鄉萬里心悲切。遙念先皇聲忽吞，愁思盈盈十指存。作歌譜入枯桐裏，對人欲彈愁斷魂。相向滅燭輟琴坐，螢火入牕飛箇箇。魂招不來歌楚些，歎息夜深人未臥。城頭統統鼓欲破，啓戶零露濕衣裳。牽牛織女星纔過。

和陳臥子先生秋興十首

壞道爭流萬壑哀。秋聲在耳更低徊。邊鴻轉眼皆南渡。
楚客傷心又北來。巴水遠迷諸葛寨。吳山近接越王臺。
許多往事誰憑弔。痛哭江頭酹一杯。

病葉哀虫滿地秋。西風處處動人愁。有懷命酒聊舒嘯。
無路驅車足寫憂。種柳先生仍處士。擁旄廝養亦通侯。
張融風調吾將嗣。從此携家上破舟。

馬肥弓勁戍烟微。九月霜花滿鐵衣。蘆管淒涼征士散。
河梁慘淡故人稀。可憐風景還如舊。相視鬚眉歎各非。

此日誰爲孤竹子。饑來聊食首山薇。中原側足路悠悠。
白草黃雲暗九州。南顧水犀屯曠野。北來鴻雁叫高秋。
書傳遼海孤臣老。駕返蒼梧帝子游。迢遞關山隔萬里。
波翻木落不勝愁。

漢家叢樹雨聲中。玉葉凋殘蔓草同。刁斗更無程不識。
威儀安見叔孫通。南冠撫操悲鄉土。故老登臺感大風。
陌上離離禾黍動。秋烟先散未央宮。

八月錢塘問霸圖。而今能復射潮無。填波精衛悲虛願。
鼓浪長鯨恨未驅。聊向荒臺尋隱跡。誰從遺趾說名都。

不如橫笛漁舟者。一釣秋風狎野鳧。
妻孥相聚命如絲。避亂家園亦屢移。杜宇啼寒五夜月。
冬青哭老萬年枝。誰憐上國盤龍地。盡屬長城飲馬池。
莫道十年無好況。滄江一臥到今茲。
乾坤俯首總難堪。躑躅都無一境安。首宿烽邊涼雨亂。
鷓鴣聲裏夕陽殘。諸陵玉盃埋荒土。雙闕香爐臥曉寒。
偏是秋深予善感。含愁日日坐更闌。
塞上橫吹玉笛清。誰人白髮最先生。樓船百丈移江鎖。
礮杵千家響石城。風捲浮雲羣鳥散。日臨毒霧萬山平。
此時高隱蓬蒿客。獨寐難忘故國情。
十年辛苦閉柴關。老大知非舊日顏。豈效彈冠依北闕。
只空拄笏看西山。少陵傷亂嗟焉往。宋玉招魂歎未還。
松柏蕭條江上路。空餘楊柳待君攀。

哀南村和唐祖命

南村萬年少讀書處因厝焉在韓信城西

黃河流水咽孤村。只許青蠅弔此門。良夜尋常來月色。
重泉依舊動詩魂。王孫城近連荒草。處士星寒照布旛。
昨暮烏啼秋樹白。故人老眼哭皆昏。

雨中看官凝之書海賦唐祖命書江賦

凝之黃岡人

湛湛岷山源，汨汨幾千里。浩浩瀚海波，溶溶納衆水。洋洋足大觀，井井有原委。其中變化多，百川應難比。我愛璞郭與華木吐納盡物理，誰能縱筆端。官子與唐子，江海有龍蛇。蜿蜒在片紙，江海有珠玉。燦爛生腕指，閣筆風雨寒。繞梁雷電紫。

秋日對鏡自悲

不病猶如此，居然一老翁。夢魂消夜雨，皮骨裹秋風。貌瘦人難識，懷深孰與同。自驚異疇昔，天地滿飛蓬。

惜捐

樂府嗟賢人之去國也

先民有遺言，越鳥巢南枝。物類重鄉土，戀戀不忍辭。君子居人國，何當輕去之。獨行心自傷，遠望中長悲。豈不懷故君，明哲貴先時。屈原著離騷，放逐徒怨咨。潔身苦不蚤，所以遭謗譏。

師襄抱樂器，避魯歸海畔。王莽正謙恭，梅福迺辭漢。陶潛賦歸來，松菊良可玩。張翰對秋風，蓴鱸有深歎。昔賢各重身，富貴捐一旦。春華自榮落，浮雲有聚散。鴻飛何翱翔，冥冥避金彈。弋人不得慕，俯視悲鵝鸛。

九日閑居

和陶韻

散步東籬下，獨嘯秋風生。田園既日涉，焉知浮世名。晚
花山下落，白雲溪上明。不見車馬喧，但聞蟋蟀聲。壯年
須及樂，人壽難百齡。愧無一杯酒，持向故人傾。真趣豈
在遠，貧賤有餘榮。昨日辭五斗，方遂閒居情。曳杖行南
畝，稻梁欣有成。

范麋生席上，丘季貞戲唱紅兒歌罷雪兒歌絕句

貽余，與明農同人皆用爲起句，亦和之。

紅兒歌罷雪兒歌，明月今宵分外多。同是傷心千里客，
停杯莫唱小黃河。

彥遠見訪，忘子門徑，問道旁無應者，聞琴而入，因

出奉懷詩示之。

蕭條窮巷老漁家，客到相尋路每差。琴響忽知中散宅，
竹深當駐子猷車。厨前問婦云無酒，坐側呼兒自煮茶。
檢點新詩多報汝，一回吟罷一咨嗟。

青谿行

憶昔江北烽烟起，公子避地長千里。長干小姬貌如花，
初出朱樓照江水。家住青谿九曲頭，門前車馬無時休。
待年十五尚不足，翠鬢紅顏勝莫愁。公子翩翩最瀟灑，

笑指垂楊繫驄馬。琴調白首綺疏中。帶結同心松柏下。
星月當牕照錦茵。與郎雙棲共一身。私語但憐桃葉水。
他年休作陌頭塵。偷聞此誓惟鸚鵡。赤繩還借梅花主。
香車齊駕看梅花。靈谷寺前冒新雨。倏忽江南鞞鼓動。
繁華六代同春夢。公子跼蹐走天涯。翱翔四海悲孤鳳。
流離轉徙還故鄉。無日牽懷不暗傷。回念江南五百里。
兵戈一隔海天長。今年寄書不得去。明年書寄復何處。
金烏玉兔漫升沉。渺渺愁殺江南樹。江南人亦不勝情。
嬾捲蝦鬚坐月明。洗妝夜夜思公子。倚閣朝朝聽雁聲。
雁聲不至徒躑躅。金錢銅鏡挑燈卜。公子縱解江南愁。
小姬未聞江北哭。何人忽傳雙鯉魚。斂笑含顰拆素書。
書中漫寄珊瑚玦。篋裏空沉玳瑁梳。愁雲不捲遮天黑。
遠書真贗無絲識。安得隨風羽翼生。瞬息江南到江北。
柔腸宛轉竟何堪。手荅瑤箋和淚函。果使銀瓶沉碧井。
敢辭香粉污清潭。下堦珍重囑黃犬。去來好趁江水淺。
凶吉還須蚤報儂。奸人窺伺情輾轉。阿母容易變初心。
不重然諾重黃金。寶鈿珠釵非妾願。夢魂迢遞望遐音。
身將飛絮同搖落。南北東西隨所託。紫玉縱死冤莫伸。

韓重雖回命終薄。可惜公子來何遲。流蘇已結他人褱。
舞衣歌扇爲君冷。篆鴨香猊不自持。聚寶門內開簾見。
指心無語淚如霰。擁車飛去若飄風。頃刻又失佳人面。
公子如醉復歸來。回頭顧影空徘徊。有時得遇黃衫客。
豈教楊柳怨章臺。此事一傳誰不恨。未免有情腸寸寸。
公子恥負小姬情。風流尚紀青谿怨。我憐公子日悲啼。
車鑣重過訪青谿。秦淮歌舞迷衰草。舊院樓臺傍菼畦。
小姬踪跡竟杳渺。消息空傳人漸老。歲暮孤舟冰雪寒。
江天一望青山小。

中秋金山卽事

上山下山秋月明。前江後江秋水生。山鬼竹中折竹響。
江魚波裏跳波聲。

遊潤州城南諸山

盤旋過村墟。烟開見山麓。石徑多參差。小犬吠深竹。此
地非淮南。八公名何屬。云有八僧廬。婉孌結山曲。不見
洞中人。秋水吹茅屋。

雞鳴行

天上飛星似飛箭。荒雞喔喔鳴村店。夢裏心驚是惡聲。

挑燈直視牀頭劍。開門星散喜重明。躍馬披衣共北征。
丈夫暗昧安能處。會向青天白印行。

送龔芝麓奉使嶺南還朝

錦帆迢遞大江飛。五嶺烟嵐拂繡衣。翡翠巢邊榕葉暗。
鷓鴣啼處荔枝肥。黃河昔訝張騫返。南越新傳陸賈歸。
欲罷珠崖須入告。珊瑚知不到宮闈。

侍御鶴冲金公毓峒死難始末敬製樂府四章

函關開

初公按秦賊窺函谷不敢入。恚曰：金御史何久居此耶！及復命賊踰關舉朝嗟

歎悔不久任公於秦

驄馬來。嚙函谷草。關中黃塵淨如掃。險不在關。險在公。
驄馬一去函谷空。廟堂自失干城寄。悔不久任。真兒戲。

保陽戰

甲申二月公奉命監宣大軍甫出都而巡撫衛景瑗總兵朱三樂以死難聞公

甫及保定賊已薄城下遂疾驅而入即登陴誓與城存亡散家貲夫人亦脫簪珥犒士卒公姪振孫登陴射賊渠數人士卒斬級無算城南樓火箭發遂陷振孫與賊戰三皇廟前大呼曰城頭殺爾賊渠者我也賊怒支解之

繡衣持斧保畿南。千金作氣初戰酣。一箭入城城樓火。
公姪自呼殺賊我。三皇廟前人血腥。死當殺賊報朝廷。

廟門井

城陷公提劍逐一綠衣賊賊拔公劍公奮拳擊賊顛賊仆地公負印北向叩頭

投廟門古井死夫人王氏先縊死
姪孫婦陳氏侍兒桂春俱赴井死

城破巷戰天地黑空拳奮擊綠衣賊臣力已竭復何求
闔門一死名千秋至今風吹廟前井水寒照見孤臣影

存孤難

公舉孝廉時與姪肖孫讀書郎山及城圍肖孫誓同死公曰死易存孤難公死賊索兩孤急肖孫身受炮烙謹匿之得免復匍匐收諸骸骨公顏如生

賊掠義士索兩孤甘受炮烙無完膚兩孤既存骸骨葬
不負負笈郎山上季父遺命爲其難生者無媿死者安

焦山和王元美韻

不見黃塵起惟驚白浪飛江聲奔海濶樹色裹山肥雨
過峰羣出天清鳥自歸草深埋石鼎洞古掛蘿衣瓜步
孤帆隱金陵一帶微六朝無限恨况復對斜暉

初春訪冰士上人和再彭

初晴雙屐過山家一扣柴扉鳥雀譁竹裏僧房人不到
春風閒殺水仙花

二月二十五日大雪

日苦重陰暖氣微春深依舊雪霏霏綻紅不見花爭發
啼碧何曾鳥共飛觸目千村空茂草傷心萬國尚戎衣
腐儒惆悵荒城下人事天時歎兩違

再彭招同茶坡楊氏園看桃花

園林初霽風光改，桃花萬樹春如海。酒殘莫空歌莫停，
明日花飛不相待。牛叟力疾盪輕舟，茶坡一日百回頭。
獨有老夫歸更懶，沙邊落日迴生愁。
牛叟再彭別字

大風雨問昨日桃花和丘季貞

雲雨暗河津，魂消昨夜春。遙憐携酒處，應少看花人。
青鬢一朝改，紅顏幾度新。况兹根蒂薄，安得耐風塵。

登劉伶臺

河上荒臺草亂青，登臺披草問劉伶。如何我亦埋名客，
沽酒無錢只獨醒。

三至金山

丁酉戊戌夏秋寓此

三年三客金山寺，一日一登山上臺。舊榻曾經人臥病，
老僧却喜客頻來。古今日照孤峰迴，蚤晚潮生兩岸開。
競渡觀濤成往事，不堪回首重徘徊。

雨中懷百詩

雨積石池寒，苔厚山瓦綠。陰泉發哀響，候蟲咽疎竹。
念我同心人，高軒抱幽獨。

楊太常病篤賦詩傷之三首

古詩堂集
相憐依十載、此老正堪師。琴響通茅舍、花香隔竹籬。新
愁雙鬢改、瘦骨半牀支。慚我百無力、經營尚可爲。
回首前朝事、挑燈細細論。援邊徵將略、典樂拜君恩。老
去惟談道、憂來獨閉門。一朝成伏枕、藥碗對黃昏。
爾病關君父、誰知日漸深。七絃千古怨、兩操一生心。龍
去燕雲寂、猿啼峽雨沉。故園歸不得、蜀帝杳難尋。

初冬同再彭湖心寺觀漲

湖雨何時漲、冬來尚不收。魚浮階面出、水入寺門流。樹
遠知前岸、天空失去舟。老僧看未厭、杖策日登樓。

季冬十三日晚飲梁公狄宅雷電風雪一時並作

至夜復晴賦詩紀異

酒熟爐紅燭影斜、感懷四座各咨嗟。三冬日煖花千樹、
一夜雷聲雪萬家。野老何關天地變、憂心空切歲時差。
雞鳴共起推牕看、明月娟娟照白沙。

送丘季貞之錢塘

遊子開帆處、湖春二月天。落梅山帶雪、吹柳樹含烟。鳥
下啼詩席、花迎載酒船。相依多故舊、獨往任留連。人隔
江南北、茶收雨後先。家園歸莫晚、海國信常懸。

落花

昨日看花滿院紅，無端一夜各西東。殘花莫怨東風惡，吹爾開時亦此風。

陳階六給諫出叅閩藩三首

朝辭左掖出長安，奉使新加獬豸冠。報國那知身萬里，憂時不憚路千盤。閩中花草蠻天煖，海外樓臺蜃氣寒。此地年來兵未息，君今何計起衰殘。廟堂無闕近臣閑，仗節遐荒撫百蠻。過嶺秋驚鴻雁斷，行車晚愛荔枝斑。東風浪接彝王島，南紀天開越國山。烏石岡邊多勝事，待君把酒一追攀。仙郎檄到七閩開，此日東南望阜財。賈客出洋飄海舶，蠻人入市賣珠胎。香花半屬琉球至，貨貝多從日本來。知爾清貧能不厭，政閒騎馬看山回。

送張鞠存吏部謫黑水監

官謫西陲一冷曹，聞君遠別轉牢騷。署臨黑水邊雲暗，歌動涼州漢月高。宛馬渡河嘶首藉，羌人吹笛醉蒲桃。天閑此日求龍種，莫向風塵感二毛。

庭蘭一枝獨秀贈子度

古詩堂集
三
畹蘭春暮發花遲、秀色幽香只一枝、獨抱寸心情自別、
滿庭青草欲何爲、

陳實菴自江南來話京口事

浪打江南鐵甕城、念君無日不心驚、九秋烟斷灰飛屋、
千里人愁血洗兵、馱馬滿山悲日晚、烏鴉繞樹叫天明、
于今把酒真如夢、喜極翻教涕泪橫、

聞龔芝麓再謫二首

驚聞公再謫、知是宦情疎、署冷如歸隱、官閒益著書、只
愁賓客減、那憾俸錢虛、臣罪耽詩酒、風流未肯除、

一削官將盡、何堪罰更加、恩深無遠譴、職小尚京華、夜
進桑乾酒、朝看上苑花、及今頭未白、猶勝賈長沙、

四月桂花

一蒲庵

綠暗僧廬香滿臺、麥秋時節桂花開、平生正色西風裏、
何獨今年附熱來、

丘曙戒侍講左遷瓊州別駕二首

春殿從容珥筆閒、忽聞遷次遠間關、千秋儋耳文章在、
萬里崖州道路艱、炎海人家連雜種、南天風俗化諸蠻、
君恩浩蕩無中外、治行方看盤錯間、

古詩堂集
曾說梅花嶺外遊。今看司馬下瓊州。月明魂斷鮫人泣。
山迴心驚謝豹愁。彝島滿天腥浪濶。海城四面毒雲浮。
若非曠達高塵外。岐路焉能不白頭。

送孫豹人遊中州

黃河濁浪高於樓。人到黃河易白頭。似爾壯年頭已白。
不妨明日便登舟。

同社招曙戒季貞集湖心寺

幾年不共此登樓。檻下長川水自流。鴻雁一朝來遠塞。
風雲千里變高秋。弟兄作賦才名老。賓主開樽笑語稠。
竟日憑陵貪縱目。烟波無限引新愁。

舟小

行役兼舟小。因憐客路難。篷低終日臥。帆側幾時安。舉
火愁開眼。逢船喜傍灘。夜來風更急。漂泊任波瀾。

將抵鹽瀆

如何二百里。四日坐空船。問僕已無米。探囊更少錢。天
心原浩蕩。我輩自迍邐。到此難回首。依人獨可憐。

將之嶺南拜別老母兼示妻子

先子宦蒼梧。時在神宗前。一朝拂兩袖。携母歸林泉。養

重生也晚竊嘗侍几筵獲聞粵中盛歷歷多山川廿年
隔戎馬間關路七千今者丘侍講辭家就左遷驅車大
庾外剖符漲海邊招兒與之偕度越五嶺巔黃金爲母
壽再拜情纏綿纏綿詎難辭長跪爲母宣羊城母故里
夙昔夢所牽桑梓杳音問此行適有緣到日訪廬井慰
母中心懸膝下固暫離不從當復還下顧妻與子歸期
冰雪堅努力奉甘旨堂上勤周旋余及髮未白登山筋
力便虛徐待婚嫁蹉跎畢何年門戶慎自持菽水窮歡
妍明朝登舟去勿爲予茫然

花朝泊廣陵

乘風三百里一日下雷塘春水波微綠江天柳乍黃依
人忘遠道爲客愛晴光花事今朝始看花路正長

舟中留別孫豹人龔半千

時讀豹人送茶坡遊黃山半千哭祖心詩

論交新舊兩難忘握手須臾話倍長怪爾累年皆作客
笑余今日也違鄉天都送別驚回首塞北招魂欲斷腸
此會重君情萬里滿船風雨佐離觴

瓜洲阻風有感

瓜步人家一戰空山川不與舊時同黃昏鬼哭城邊雨

白晝鼉呼江上風。兩岸自屯狼虎窟。六朝難望帝王宮。
只今遊子如飄絮。獨繫孤舟高浪中。

姑蘇懷古

停舟閶闔與雲齊。花發清江鳥亂啼。山上館娃宮曲折。
道旁烈士塚高低。春風舊苑遊麋鹿。夜雨荒臺哭水犀。
興廢吳儂渾不解。日邀歌舞出城西。

京口西發別季貞却歸淮上

送別江南聚首稀。轉愁君別復牽衣。一尊不盡今宵興。
萬里知從何日歸。鄉國無情鴻雁遠。川原滿眼鶻鴒飛。
念兄莫上高岡望。縱有艱難我共依。

江上觀曙戒季貞別

潤州城外鼓聲殘。流水濺濺下急灘。萬里弟兄江上別。
三山花鳥淚邊看。青燈何故光先短。明月無心影自寒。
我亦此中離思客。望鄉情倍對君難。

天門山

突兀天門兩岸開。江聲東下幾時回。何當一閉天門路。
不遣征帆日日來。

三山磯

峭壁撐厓起人家抱石磯山桃烘板屋江柳暗荆扉日
午雞羣散沙暄鳥一飛轉愁帆影疾回望獨依依

登廻瀾閣見丘季貞題壁詩同曙戒次韻

孤嶼江邊轉登臨帶雨過濤聲當檻濶山色入樓多下
界迴青鳥中流吼白鼉故人詩句好百遍喜高歌

登湖口城樓

山上孤城城上樓人家高住在山頭參天老樹千行直
匝地長江萬里流石徑盤蛇披草入梨花飛雪亂春愁
東風不阻人南去日日江邊送客舟

石鐘山逢談長益

石鐘山枕彭蠡口兩鐘對峙山絕陡匯合江湖在此間
蛟螭日向山根走夜深恐懼泊舟人聲從石出如龍吼
我來尋聲到石穴水激坎窞虛相受洪音細響非一狀
大者如屋小盞斗一聲霹靂起蒼崖怪石崩雲壓我首
操舟登岸來者誰京峴山中一老友此時此地邂逅奇
攜手登峰對飲酒

鄱陽湖

三月春波漲滿湖忽聞雷雨下菰蘆江分衆派歸彭蠡

山絕羣峰見大孤。帆去漸低天外轉。鳥飛知倦浪頭呼。
何堪回首康郎廟。日暮無情聽鷓鴣。

樵舍驛

水驛名樵舍。黃昏到客船。江湖千里集。燈火一村連。
有屋皆編竹。無人不種田。瘡痍雖少息。相望尚烽烟。

滕王閣

章江門與閣相連。過客登臨最黯然。山色西來疑帶雨。
水聲東下欲吞天。幾番劫火風流在。一箇文人帝子傳。
不看古來歌舞地。於今多少盡荒烟。

玉笥山看雲

三十三峰高插天。晚雲生處白于綿。不知迷却峰多少。
時見峰頭斷復連。

晚次新淦

江流幾折勢盤渦。客到巴丘暮雨多。玉笥峰高連碧落。
金川水濁類黃河。天昏兩岸防豺虎。烟斷孤城隱薜蘿。
驛卒自忘供役苦。夜深燈火下山坡。

金川聞笛

誰倚高樓弄笛頻。江邊行客總沾巾。清風莫送梅花調。

更有明朝過嶺人

廬陵蚤發

昨夜廬江宿淺汀日高衝浪復揚舲禽鳴鷓嶺如調管
水瀉螺川似建瓴赤石漫疑征士血青楓皆化老人形
可憐不見文丞相獨向殘江涕淚零

野人送蠶豆

花石潭邊晚繫船人家門巷繞山川青青蠶豆新堪摘
送客盈筐不論錢

百嘉村折榴口占

海榴四月吐花時折得深紅似淚垂遙憶草堂多子樹
一羣兒女正攀枝

十八灘雜詩三首

萬安萬疊山不止十八灘頭從此始初上惶恐險第一
惡石猙獰似排齒激浪奔沙嚙舟楫舟子搖魂愁欲死
頓足高呼向石爭一灘未盡一灘起幾時過盡十八灘
夾岸雷崩三百里
五丁鑿山鑿未了所餘亂石多奇矯魑魅箕踞撐頭角
龍象奔騰露牙爪一線路開山迸裂千流萬派爭迴繞

曲折欹帆石縫行客路風波仗三老

月色照灘不敢睡夜有兩虎恣遊戲邏卒驚呼上戍樓
兩虎縱橫自得意明日滿灘如石虎彎弓願借將軍臂

虔州遣興

愁上鬱孤臺風雲黯不開山川纏鐵甲廬舍起黃埃望
海行難到還鄉夢復來客程纔一半萬里正徘徊

○南康縣至大庾路僅百里舟行五日江山偏側雜

志觸目三首

章流僅可涉細石一江平灘淺銜舟澀山高礙月生螢

光依燭暗蛩語逼人清獨傍幽泉宿孤篷此夜情

亂水縱橫落荒山宛委通稍能分旦暮不復辨西東峽

斷漁樵路雲埋虎豹宮篙師亦似我幾欲哭途窮

最險南安路牽舟欲上天江清惟見石峰衆不知巔越

鳥山山變蠻雲樹樹連明朝趨嶺外直放順流船

雨中同曙戒聽鷓鴣

崎嶇客路已蹉跎啼處難禁風雨多我聽一聲雙淚落
瓊州司馬更如何

五猴峰絕句

地真無咫尺、天只剩纖毫、直愁流日下、誰爲砥波濤、

橫浦旅舍

日與江湖習、離舟似別家、水窮梅嶺濶、店小竹樓斜、客
話消杯酒、鄉心傍燭花、到茲頭已白、瓊海尚天涯、

梅嶺雜咏

晨興駕我車、盤旋登大麓、山腰多良疇、新秧萋以綠、鳴
泉向人奔、萬派響深谷、前山若太高、瞬息繞我足、履險
聊下車、扶筇尚局促、露肘攀藤蘿、卷膝升林木、旣疲不
得休、耳後風肅肅、人聲何處來、回首見茅屋、

極頂難逼視、蒼崖摩穹窿、竊恐間南北、隔絕將終窮、磴
道何年設、一線盤虛空、石痕存斧鑿、細看乃人工、不知
誰爲此、力能開鴻濛、聲教與貨財、萬古仰其功、
旣出紅梅關、曲徑莽迴互、石磴漸坡陀、逍遙喜平步、俯
首見羣峰、偃僂若相附、及到羣峰前、嗟哉不可度、青蓮
起重岡、蒼松夾廣路、前車暘苦日、後車滑愁雨、兩車息
道旁、各不相回顧、

落日將下山、遊子情悒快、前有虎豹啼、後有鷓鴣響、谿
谷行不得、僕夫嗟焉往、潛身入古寺、庭院多榛莽、草榻

佛燈昏。虛檐衆星朗。蝙蝠枕邊飛。恍惚來魍魎。斂息不敢寐。坐待日東上。衝嵐下凌江城郭。漸平廣。

蚤渡濛瀼

初夏晨光好。青山散蚤嵐。人烟雖嶺外。風景似江南。村僻禽言雜。潭空樹影涵。舟行翻厭疾。幽折未曾探。

彈子磯

路轉磨刀灘。突起雙怪石。仰望不測巔。奚翅千萬尺。前仆勢若崩。巉巖欹兩壁。石雜五色紋。絢爛何奇闢。絕頂一竅開。誰將金丸射。鵬鶻失檜巢。猿狖徒窟宅。我來值風雨。詫異奪魂魄。瀑布滿後岩。宛轉瀉玉液。回看瀑布久。雙石化成碧。

泊瀧頭硬灘

一峰斜插岸。大地總玲瓏。日色中天蔽。雲根四面空。倒聽鳥語落。側看水泉通。只恐停舟處。蛟龍正出宮。

望夫山

路到南荒髮盡斑。瘴江瘴海幾時還。我今過此腸先斷。愁見深閨夢裏山。

英德夜泊

古詩堂集
寂寞滇陽地。城邊晚繫舟。低飛螢過水。高閃電明樓。柝
響妨高臥。囊空益旅愁。嶺南酒味薄。隨意且相酬。

清遠峽

有歸猿洞飛來寺一名飛來峽

青山緊對峰頭合。流水中分江路狹。江隨山轉數十迴。
舟行江裏山週匝。來路已塞去莫通。去從何吐來何納。
百道流泉萬壑哀。一聲伐木千山荅。古寺飛來不肯去。
歸猿洞口羣猿狎。綠樹重遮越鳥啼。白日欲暮蠻雲壓。
能令天地失陰晴。不識乾坤有開闔。扁舟正愁迷出處。
倏忽江平風雨雜。回首兩岸如一山。始知已出飛來峽。

佛山

廣南輻輳地。賈舶往來多。入市諸香集。盈門百寶羅。盤
堆紅荔子。架養綠鸚哥。前代無兵火。繁華更若何。

羊城懷古

漢家天子顧炎荒。滿目川原古戰場。陸賈自能無辱命。
趙佗安敢復稱王。三山鼓角連猺獞。五嶺旌旗伴虎狼。
遙憶伏波臨碧海。珠崖銅柱掃披猖。

嶺南竹枝詞二首

葛布輕衫晚趁風。紫皮木屐日當中。朱唇不用燕支點。

自有檳榔沁齒紅。

劉鋹花田幾百春，一時紅粉盡成塵。素馨花自年年發，

留與香風襲後人。

花田劉鋹葬美人處，至今種素馨彌望。

嶺南公舍寄懷陳階六閩中。

時王伯恭黃門使粵便道還閩。

故園分手秋將老，隔歲相思信不來。宦跡自應移海嶠，

浪游何事到瓊臺。同居百粵君為近，共憶三洲孰蚤回。

一紙好憑王給事，天涯努力各銜杯。

閩廣皆百粵地。

偶啖檳榔衣染紅跡，因憶丘季貞送別詩有檳榔

滿口血沾衣之句賦寄。

檳榔滿口血沾衣，袖上斑斑淚竝揮。萬里孤身防瘴癘，

四時一氣苦炎威。人憐珍重京江別，書到平安嶺海稀。

嚼破紅漿寧幾斛，總能却病不如歸。

端州西望

老父甘棠知不遠，端州西望是蒼梧。數千里外情依戀，

六十年來跡有無。故國幾時歸展墓，荒江終日淚沾襦。

土人但說兵戈後，惟見空城泣鷓鴣。

腰古驛午泊

屬高要縣。

蠻江無宿處，日午便停舟。樹隱荒村寨，山欹古驛樓。鳥

聲憐客倦蟲語逼人愁長夏何能遣榕陰且暫留

紅沙晚步

渡水穿山叩短籬一園錦樹夕陽垂開門野老嗔花犬
知有人來買荔枝

水車

粵人激水運車不煩人力灌溉殊饒故記之

木柵鎖谿流銀花激浪頭翻車飛急雨側耳類深秋筒
密層層瀉竿長裊裊浮轆轤纔一轉沾灑徧田疇

新州野泊

孤峽風生野竹號征帆夜半落江皋草深兩岸無人語

猛虎一聲山月高

息黃牛灣登白石寨洞壑深邃是土人避亂處

噴岫碧落萬峰稠日午重嵐濕未收寨結空山依白石
車停仄路轉黃牛幾年門鎖巖廊古一線天開洞壑幽
滿眼只聞羣盜在客心常傍海雲浮

蚤過那烏山

那烏山下黯銷魂古廟無烟晝亦昏石洞暗流清澗水
板橋斜插老榕根峰青萬笏如人立雲黑千林似馬奔
不信鷓鴣行不得衝嵐日轉向南轅

陽春道中

兩山排立樹蒼涼，深入蠻天古峒荒。
粵鳥千聲啼不住，短車潛過殺人岡。

山行卽事

紅花梗黑石岡在陽江縣

晨起辭那旦，盤山草露荒。
車聲穿谷響，旆影入林颺。
鳥吹紅花梗，猿啼黑石岡。
日中行不得息，駕定何方。

宿太平驛二首

古驛空荒草，頻年未解兵。
紫螯連海市，紅荔照山城。
人語渾難譯，禽言反易明。
陽江南去路，從此日心驚。

海近愁卑濕，當簷置一牀。
狐狸窺壞壁，魍魎臥陰房。
風過燈旋滅，蓬生徑久荒。
蕭然留此夜，不寐望高涼。

晚次電白縣

箐連蠻峒愁深入，南服天開電白城。
溪漲碧流新雨過，山欹粉堞夕陽明。
客來海國迷烟瘴，人習彝風樂戰耕。

莫道此方多險惡，雷州傳說又移兵。

時徭賊大掠雷州

雨行茂名道中

一天雷雨暗高涼，六月間關度越裳。
客子穿嵐憂瘴癘，輿夫裹葉送檳榔。
叢山亂水人家少，遠徼孤城道路長。

莫歎衝泥行役苦。老農沾足插新秧。嶺南六月再插新秧

高州晚霽對月

浴起當初霽。官亭正寂寥。好風烟出樹。新月水平橋。對酒孤城暮。思家萬里遙。客程經半載。清賞獨今宵。

化州以南石城遂溪兵馬充路聞戒志感

萬里日于征。九夏月于邁。望望象郡東。行行越裳界。驚心虎豹啼。駭目龍蛇怪。密箐伏猺獍。崇山歷險隘。昨聞掠雷陽。一日幾村寨。將士奮武威。攘臂掃鱗介。勤遠勿深入。佳兵古所戒。窮服氣未甦。禍恐貽凋瘵。

前出洋

客愁深似海。到海轉無愁。萬念同歸盡。孤帆已莫收。瞻星離芷芼。入霧失雷州。日夜風濤響。霜花頓滿頭。

渡海行

惡風吹沙海水立。老龍怒觸鮫人泣。靈鼉一擊蚩尤搖。大魚山崩小魚急。炎海不信少寒侵。六月颯颯吹陰重。篙師徘徊未敢發。脚踏船板如瑣針。丈夫當破萬里浪。奚為對此先惆悵。攘臂張帆出大洋。青天白日相摩盪。海月醉歌效長吉體。

月光倒暈夜潮滿。昏風慘淡星芒短。引杯酌酒歌莫緩。
海底水精捧玉盃。盃中纍纍烹龍卵。

英利道中

前日航海避兵火。今日虎狼愁殺我。崇岡窄路泥滑滑。
疾行不得緩。不可相傳昨夜虎滿村。草深蹂躪多蹄痕。
不知戰後人餘幾。眈眈直射到黃昏。更詫行潦紅似血。
五月六月如湯熱。砂石峻嶒刀鋸森。赤脚踐踏膚皴裂。
畏虎心驚急暮天。輿夫奔走失自憐。嗟我乘輿猶勞頓。
我獨何爲在爾肩。傍晚踉蹌投古廟。簷前月色來相照。
無牀掃地抱頭眠。何處一聲猛虎嘯。

抵徐聞縣戒嚴

時餉缺兵譁守將撫平之聞瓊州亦變遂寓徐聞

我行徐聞野。黃泥濡足衣裳赭。菴叢百里樹遮天。虎狼
塞路無車馬。我入徐聞城。青蒿滿眼斷人行。民舍十家
九不足。荒唐官解披榛荆。烽火倉皇疊見告。沙中偶語
兵羣譟。脫巾四面吹笳起。甲光閃閃城頭照。身寄危城
出處非。鷓鴣啼殺何當歸。啓門欲向海南走。又道瓊州
城亦守。

徐聞圍解登登雲塔望海南

天荒地老到徐聞，萬里輕身虎豹羣。
險出重圍窺海國，愁隨一嘯入風雲。
瓊山南與珠崖合，交趾西從銅柱分。
滿目波濤消息斷，不知何日罷三軍。

○後出洋

一氣歸何所，茫茫不可知。
只疑無水處，便是到天時。
潮湧晨昏轉，風迴日月移。
一身輕似葉，憂喜莫能持。

抵瓊州三日喜澹歸師書至賜和海幢奉訪詩再

疊前韻

乍會何須復見尋，入山渡海各情深。
六旬念別思元度

千里函書感道林，杜宇未聞歸蜀日。
鷓鴣不改向南心

與君重訂秋光好，倚杖香巖聽梵音。

附澹歸和韻見荅詩

天際鴻毛不易尋，無言相視意俱深。
誰家荆棘甚衣絮，獨樹旃檀便作林。
君隱詩瓢成絕調，我聽禪板得無心。
一堆塵裏真相見，分付焦桐漫發音。

立秋

秋風一至便思家，愁看瓊山滿縣花。
便是歸裝今日理，到時江雪已籠沙。

海南篇爲曙戒生日

與君同是東海人，平生未涉東海水。
握手翻來南海南

眼○看○風○波○一○萬○里○南○海○之○南○為○瓊○山○大○水○迴○瀾○四○面○環

沿○海○三○州○與○十○縣○生○熟○黎○岐○蟠○中○間○中○間○古○峒○深○莫○測

五○指○黎○母○尤○峻○極○縱○橫○千○里○雜○漢○彝○西○南○面○面○連○番○國

暹○羅○占○城○一○水○分○交○趾○真○臘○聲○相○聞○未○考○輿○圖○收○禹○蹟

但○傳○牛○女○應○天○文○伏○波○將○軍○兵○不○用○誠○敬○夫○人○鼓○初○動

夫人洗氏平儋耳諸崗航○海○梯○山○納○款○誠○千○秋○萬○歲○通○輸○貢○唐○宋

年○間○地○尚○荒○紛○紛○遷○客○易○悲○傷○崖○郡○忠○魂○依○望○闕李德裕有

望闕亭詩儋○州○春○夢○結○枕○椰蘇軾有當○時○氣○節○何○矯○矯○懷○古

令○人○憂○悄悄○趙○鼎○書○銘○山○河○壯○胡○銓○封○事○乾○坤○小○祥○興

事○去○颶○覆○舟○元○室○相○承○八○十○秋○多○士○不○聞○登○仕○籍○義○師

奮○臂○陵○中○州元時瓊無登進士者郡人謝明謝富冉安國黃之傑從安撫趙與珞拒元兵於白沙

只被執不屈死高○皇○天○語○稱○奇○甸○三○百○年○來○風○不○變○聯○翩○丰○采

映○乾○坤○文○莊○忠○介○俱○名○彥○地○比○中○原○景○物○全○天○到○遐○陬

氣○候○偏○萬○古○雪○霜○無○氣○色○四○時○花○葉○弄○姿○妍○歲○蠶○八○繭

禾○三○熟○奇○香○滿○峒○兼○珍○木○玳○瑁○珊○瑚○海○底○生○山○呼鳥名善鳴

善鬪吉○了秦吉了籠○中○宿○吉○貝即木棉花可織布抽○棉○女○織○花○檳○榔

結○子○客○推○車○蟹○因○出○水○化○成○石石蟹在水則活出水則化為石可解毒鱸

為○回○潮○困○在○沙大魚隨潮至潮退則困在沙麩○生○枕○實○豆○生○柳○竹○如

人面果如手。花知含笑草相思。舍笑花椰子瓢斟樹頭

酒。以麪著樹頭成酒。海南佳事更如何。莫歎炎方瘴癘多。買愁

村裏愁須賣。臨高縣有買愁村。載酒堂前酒自過。載酒堂在儋州。鸚鵡

杯。鷓鴣杓。海外無如今日樂。泉香浮粟供朝烹。浮粟泉在瓊山。

釀美山藤堪暮酌。山藤可釀酒。江珧海月即車螯列續紛熊蹯

蒟醬爭交錯。虞山逸民歌。嗚嗚瓊州司馬眼。模糊醉後

那知仙有無。海中何處訪蓬壺。鷄窠小兒生九代。不語

不食胡為乎。楊遐舉瓊州人年八十一其父叔皆有百兒梁上出頭下視宋卿日此予九代祖也不語不食亦不知其年歲

平黎曲。黎首作亂嗜戒職司撫黎甫下車檄民兵設伏擒斬事定集瓊士賦平黎曲。

黎母山前戰血腥。火搜異類盡潛形。蠻牌狼籍藤弦斷

古峒千年草不青。

數萬兵藏胸膽豪。不愁嵐瘴染征袍。誰知一夜崑崙戰

已報生擒儂智高。

○海南秋興五首

中原遷客歎多艱。碧海珠崖隔萬山。無路可通黎母峒

幾人曾出鬼門關。朝烟幻蜃疑雙闕。暮雨啼猿暗百蠻

我獨胡為淹異域。秋來贏得鬢毛斑。

太平時節化諸黎一望桑麻菴畫溪崖郡峒連鸚鵡嘴

萬州山號鸚鵡啼鸚鵡嘴鸚鵡啼皆山名中丞事業烏臺重閣老

文章北斗齊十數年來烽未息風流都付與鉦鼙

雙眼難瞻萬里鄉歸思日夜路茫茫花緣何事常含笑

草為誰人亦斷腸草名蠻峒瘴高天地黑破蓬風起海雲

黃破蓬風即颶風東連閩浙西交趾渺渺愁余各一加

西風吹送海南秋身在天涯已盡頭恨別地名先輕萬里

別買愁村名難送一生愁故人祿米分多愧老母饗殮事

未周不可久留嚴武幕閒來獨上仲宣樓

蠻天忽過千峰雨客枕愁聽五夜風樹繞衙齋無落葉

沙明海岸少飛鴻詩書漫捲秋將半鄉國遙歸歲已終

計到草堂頻剪燭山河回首笑談中

海南竹枝詞五首

天無春夏秋冬別氣有陰晴晝夜殊夏夜木棉裝繡襦

晴蕉葛製輕襦

鳥飛葉轉各西東天脚垂垂暈半虹隔夜人家棲矮屋

明朝知有破蓬風颶風未起先一日鳥盡投山林中花葉翻轉天脚暈如半虹狀人家棲矮

屋避之次日颶風作俗呼謂破蓬風

古詩堂集
蠶戶開門在屋頭。子孫惟辦打魚舟。採鮮粗足完官課。

老死沙邊伴白鷗。蠶戶門開在屋上出入

花臂黎兒彎竹弓。花頭黎女刺蛾蟲。和歌山下各留意。

一篋檳榔二姓通。黎俗男刺臂女刺額作蛾蟲花卉形遊山間男女相愛以歌通意歸家父母致檳榔聘之

泛海樓船似泛卮。送郎速去送歸遲。誰知今夜非流水。

錯怪郎愆一日期。瓊人渡海必候流水至期方渡

濂濱
莫漫喜生還。天涯路尚艱。秋泥三尺雨。古樹萬盤山。箐

閉獠蠻峒人。穿虎豹關。濂濱聊駐足。一夜聽潺湲。

遂溪道中
曲澗迴岡入。遂溪涼風初起日。沉西黃茅瘴裏行人少。

白石橋頭亂水迷。野老自經新戰伐。城烏猶帶舊悲啼。

可憐滿眼傷心處。秋晚看誰穫稻畦。

化州山行三首
西風吹過石城秋。一路登山到化州。嶺上聞猿看不見。

槎枒老樹礙當頭。

穿山渡水路高低。佇聽秋聲萬樹齊。野鳥見人驚欲起。

古周堂集

是

踏翻朱果落深溪
黃桐嶺上白雲飛
雙屐穿雲入翠微
嶺下相望應不辨
山光總染道人衣

電白客夜遣懷

閉門一夜聽秋聲
細雨涼風電白城
雖是歸人猶萬里
更添愁緒到三更
黃蕉綠橘消尊酒
阜帽青鞋傍友生
但把陰晴燈下卜
驚心明日路難行

登山有感

荒臺廢殿舊安西
日落峰頭酒自携
滿徑殘花人不掃

山呼飛上老松啼

天堂桃花

水曲山深好問津
花開渾似武陵春
此中甲子憑誰記
只恐桃花也誤人

登七星巖

山有石鼓石磬擊之聲聞數里

城北高巖萬古雄
參差星布碧連空
當頭亂石縱橫落
繞足寒雲變化通
水入虛明侵玉洞
路從崱嶸見瓊宮
數聲清磬一聲鼓
谷應山鳴振晚風

海幢寺澹歸師留齋

海岸尋師日。香厨近午齋。乾坤此一飯。山水共孤懷。菜
莢分前圃。樵蘇轉後崖。清涼風味別。飽食喜相偕。

宿湏陽峽

蚤出香爐峽。湏陽復晚棲。月臨千嶂小。星落一灘低。苦
厭黃茅瘴。愁聽烏夜啼。北風南下水。歸興路旁迷。

曲江

寒江清見底。苔長石根柔。沙老磯橫出。灘高水散流。林
光斜抱屋。山勢曲吞舟。十月天南路。梅花亂客愁。

亂石灘微雨復晴

細雨空濛濕蠻江。入暮愁山寒。雲自薄。水淺月仍流。嵐
翠千峰捲。灘聲一枕收。不堪前岸杙。徹夜響沙頭。

雨泊劍峰灘

野宿無人境。迴瀾繞劍峰。青山烟外濕。紅樹雨邊濃。客
路悲將晚。荒江逼蚤冬。不知何處酒。消得此愁容。

嶺上看梅

日短籃輿上嶺遲。空林無數野梅枝。色連雲白花難辨。
行過峰青香始知。經歲自甘丘壑老。百年不受雪霜欺。
下山今夜誰家宿。明月猶應繫夢思。

冬至咏懷三首

忽忽歲云暮，朔風吹虛舟。陰陽爭茲夜，短景不可留。有客天南來，萬里心悠悠。天南少霜雪，遊子無冬裘。家鄉何日至，鴻雁下江洲。

江洲值仲冬，陽至寒始壯。落木滿空山，行子色惆悵。三

人歸同舟，中懷各有向。或戒王程迫，曙戒人觀或憂田廬喪。

石兄離家廿年田廬荒廢我雖無此苦，妻孥誰依傍。共覆掌中杯，斜

倚西北望。

西北有浮雲，飛來幾千里。仰首一問之，曾渡江淮水。江

淮我故鄉，高塚纍纍起。冬至修明禋，風俗薦甘旨。漂泊

尚他邦，我獨非人子。

○板子磯

兩峰相對出一棹，獨中流。亂水穿山脚，寒雲抱石頭。烏

啼茅屋晚，葉落板橋秋。遙望江邊路，人烟處處幽。

金陵懷古

昨夜臨春寵麗華，江南齊唱後庭花。而今古井生青草，

啼殺空宮白項鴉。

凍阻甓社湖夜望

朔風滿長湖，扁舟一夜孤。豎冰連月凍，衰草帶霜枯。燈
暗漁樵息，沙荒雁鶩呼。近家心不定，渺渺望前途。

古調堂賦得萬里一歸人

去來一萬四千里，迢遞東西南北人。相見親朋都不改，
一年節序却更新。詩緣紀俗難從減，酒爲談山不記巡。
從此閉門無俗累，花前日日可留賓。

苦雨謠

麥將熟，雨如瀑。麥死雨止，田夫哭。莫愁官租輸不足，去
年先徵十之六。

爾嘗姪田居二首

三載移家住一村，桑麻深處是桃源。喜無車馬喧彭澤，
賴有妻孥共鹿門。養病花間身自穩，忘情物外性方存。
田廬與爾雖同畔，愧我江湖萬里奔。

高堂白髮不扶筇，日賦南陔樂事重。攬轡敢云如孟博，
殺鷄聊且效茅容。香醪花下春開讌，脫粟燈前夜聽春。
果似吾家老宗子，古人風味在安農。

丘曙戒觀回入里

萬里孤臣返玉珂，朝回又已渡黃河。高堂未老誇雙健，

舊社雖疎喜再過，入座客憐今日少。開囊詩比昔年多，近傳炎徼烽烟息。行矣無勞畏海波。

果以題曙戒三入燕詩後，却去安費。讀罷君詩我亦悲，可憐遷客豈憂疑。無端紫陌行春地，半是青樓薄命詞。風雅有情愁遠別，離騷多怨苦相思。古人寄託原難識，千載傷心只自知。

六月六日再彭宅觀畫歌

家貧自歎無衣曝，空負今朝六月六。日午中亭不可當，何處能逃暑氣酷。觸熱來登眷西堂，千巖萬壑日爭光。風雨未別從何來，颼颼已覺生微涼。宋元之間皆妙手，嘉隆以後亦頗有。當代最推沈啓南，上下千秋無匹偶。兩幅離奇果神工，造化無權悵太空。自有天地生山水，誰知筆墨開鴻濛。一一視之精神起，忽復令我悲不已。我家亦有畫兩厨，西風吹碎填馬矢。

○再彭集東湖送方爾止遊山左

月上珠湖好放舟，清尊携與故人遊。三年別驟形容老，一夜歡多涕泪收。野水忽高蘆葉冷，涼風初漾藕花秋。莫將鐵笛頻相向，明日東征少白頭。

古詩堂集
○閻古古歸里飲再彭宅酒酣聽曲慨然賦詩用壁上韻

踪跡飄零徧九州相逢今始倦遨遊詩將得意吟先苦
曲到傷心淚暗流人影紅燈高閣靜蛩聲白露晚星秋
酒酣惟覺生還樂垂老無家莫謾愁

中秋鼓吹曲用古古韻二首

露下寒蛩咽草根鷓絃響斷酒人魂曲終誰解餘音好
四壁無聲月在門

燈紅酒綠眼生花簾捲高樓月半斜舊院一空懷智老
白頭今夜聽琵琶

夜集王貽上和其中秋用子

夜半何須秉燭遊烟光不散滿城秋使君門外清如水
拄笏閒消月一樓

留別陳伯璣渡江

虞卿愁不減尚爾著新書多病還酬客無錢更儻居丹
楓江北少白雁越東疎君問歸來日梅花十月初

慧山竹枝詞二首

賣酒山橋舊蔣家登樓開甕見梅花回思病酒去年事

葉落秋塘細雨斜

畫船曾見滿梁谿紅袖看花落日低亭榭祇今非一主
秋鴉飛過錫山西

千人石

歲歲千人坐月華中秋忽過我停槎西風一路無絲竹
開徧空山白桂花

橋李道中

范蠡湖邊落日黃由拳城下落帆忙采螺村女提筐過
魚蟹安能似故鄉

同丘季貞宿旅堂

鵲噪高簷客到初開門一笑接雙輿元龍曾許樓頭臥
康伯何妨市上居南內聞笳成古昔西陵牧馬更丘墟
挑燈不及興亡事揮麈閒譚二鼓餘

過方干故居二首

憐余落魄似方干汝死何須又拜官我只甘從貧賤老
千秋長作布衣看
君相憐才事最新至今詞客尚沾巾生前若竟邀圭組
不過尋常仕宦人

泊桐廬

巖邑無城郭。人家抱一溪。
樹垂官岸老。山壓縣樓低。
漁火紅將隱。樵烟白更迷。
舉頭峰百匝。愁殺夜猿啼。

七里瀨

石瀨盤江七里迴。秋風吹到白雲隈。
布帆舒卷隨灘轉。竹纜高低接嶺來。
亂插青峰藏矮屋。倒飛黃葉下高臺。
山川千載歸徵士。漢業於今半草萊。

登嚴陵釣臺二首

一代中興屬故人。羊裘到此獨垂綸。
釣臺不逐滄桑變。幾度看人作美新。

兩臺高峙富春山。千載常餘此地閒。
親見婦翁曾變姓。肯留名字在人間。

西臺弔謝皋羽二首

四百餘年一望空。獨存哽咽向西風。
淚痕只似冬青葉。暗落荒臺不敢紅。

椰冠芒屨上西臺。黃葉堆中石徑開。
哭罷長歌晞髮集。千山猿鳥一時哀。

從金華入永康山行雜詩

寶婺盤山向永康，籃輿出店蚤風涼。客心滿地驚初白，
蕎麥花開不是霜。

石嶺週遭擁萬峰，寒泉哀響下重重。秋風黃葉無人逕，
破廟山神看古松。

榻上與季貞

眼看香醪不敢嘗，手持藥盃獨支牀。感君高誼如兄弟，
只當相扶在故鄉。

永康移寓

移得高樓四面遮，問人人說舊人家。可憐舊主今何處，
花落花開一逕斜。

永康竹枝詞三首

飛橋梯接最高崖，自古仙靈窟宅佳。日見方巖來婦女，
山頭踏破小弓鞋。

攤得青錢幾百文，街頭貿易看紛紛。真成怪事無升斗，
白米擔來數十斤。
秋成晚稻盡歸倉，運水家家尚滿塘。蕎麥千山花似雪，
行人愁殺白茫茫。

憶家

還家蚤降霜家在鉢池旁南畝秋將畢東籬晚更香蟹
魚供午膳婦子侍高堂舉筋應三歎征人遠未忘

遊上封寺

秋高霽色散烟嵐人影參差倒一潭磬寂鳥聲喧佛座
簾○開○花○氣○入○僧○龕○粉○樓○日○射○千○層○白○錦○樹○峰○藏○萬○笏○藍
緩步適逢時節好果然山水勝東南

望八素山有懷同志諸子

秦末有八士隱此不知姓氏冠履雅素因以名山予舊與張伯玉靳茶坡胡天仿陳階六閩再彭程婁東丘季貞結隱東海爲八閒人今且飄如斷梗散若晨星對此八士堅臥林泉千古一

日愴焉愧之矣

山緣雅素存千古人隔峰巒路幾層秦法尚疎坑不到
儒冠俱在毀何曾原無姓氏留空谷豈有行藏累好朋
東海同時肥遯者我先慚愧對張憑

華谿野步

麗州山郭遠嵯峩華水溪光曳杖過激碓寒流春白稻
撐崖老樹掛青蘿僧歸屐有殘雲在樵返肩支敗葉多
北雁一天秋色晚倍增鄉思滿關河

宿松溪嶺下

倦極投山店登樓便倚牀芋留松火味餅雜豆羹香鼠
過牆泥落風侵燭影涼村中更漏少客夜攪愁長

松溪嶺夜發

殘月尚爭明山間照路平客驅荒店夢雞送遠村聲草
白知霜落雲紅似日生陂陀三十里烟起婺州城

野庵乞茶

山門不閉行人到紅葉翻堦似落花我見老僧無可說
登牀徑吃趙州茶

夜抵嚴州問宿

歸舟風起暮蕭蕭黃葉山頭影亂飄五百灘高雙槳下
二千里隔一身遙城樓畫鼓連雲暗江店殘燈帶雨搖
此地虎狼兼盜賊不堪愁夢度今宵

騎馬入嚴州山城

城郭連山迴秋天逼遠岑馬蹄黃葉響人影白雲深石
映空江色松遮萬壑陰樵歌隔何處日暮起歸心

雨中重過釣臺欲登不得人

再訪先生欲見難空江風雨逼人寒白雲中斷千峰樹
碧水新添七里灘只有陰晴隨箬笠原無興廢到漁竿

古詩堂集
回頭前日登臨地。烟滿雙臺何處看。

訪孫宇台不值

雨過初相訪。因沾兩屐泥。水邊人不見。枝上鳥還啼。一徑封黃葉。雙扉掩綠畦。明朝重到此。須認老僧棲。

聞故鄉河決

故園書信久蹉跎。越嶠吳江兩月過。千里朔風吹白雁。一天秋水漲黃河。時艱賦役誅求急。歲晚饑寒哀怨多。處處傳聞歌瓠子。歸心無計駕鼉鼉。

曉渡楊子江

初日大江流。風高急放舟。潮青瓜步岸。烟白蒜山樓。雉堞垂楊隱。人家古渡稠。遙歸期已近。何必亂鄉愁。

邗江道中逢丘曙戒入粵

我正歸家爾又行。榜人齊泊廣陵城。葉飛古驛添愁緒。雁過寒江帶別聲。雪色漫天今夜酒。梅花萬里去年情。鷓鴣此去愁孤聽。親老難前慰友生。

丘曙戒招同鄭掌和龔半千孫豹人陳伯璣朱秋

崖紅橋泛舟

瓊州司馬晚停橈。載酒同尋廿四橋。十里楊枝何處好。

六朝山色隔江遙。夢迷玉蕊花邊路。坐聽雷塘月下簫。
惆悵海南兄弟少。青衫未肯濕良宵。

過水士精舍見榆錢戲筆

香爐有火竈無烟。竹院輕陰自在眠。誰說老僧貧似我。
閉門終日拾榆錢。

劉叟藏酒四十年余得飲之賦一絕句

此酒曾經四十年。不隨人事共推遷。君家甕側能容我。
漢魏惟消一醉眠。

同方爾止哭茶坡墓

故人千里至。雞酒石塘村。古道于今少。交情賴此存。悲
風吹白草。老淚洒黃昏。我亦來陪哭。深愁地下魂。

羈客

客館耿不眠。歎聲在東廡。不解歎者誰。益我心中苦。閉
門一少年。面色如塵土。家在閩海側。奉令遷州府。餬口
失田園。棲身少屋宇。延平有長吏。傭書聊共處。豈意吏
罷官。江南路艱阻。一家四五人。萬里依爲主。中道忽棄
捐。行路無資斧。山東我故知。爲官或我輔。踉蹌赴青州。
故人又他補。典衣半途盡。羈棲此逆旅。迄今數越月。誰

人堪告語、充腹未盈、搦遮體無寸縷、久客那相憐、日火
難再舉、昨已遣弟回、賣我親生女、得錢還故鄉、相對安
貧窶、故鄉死亦甘、他鄉生失所、饑寒聲不揚、話久氣消
沮、惻然傷我心、淚下揮春雨、吁嗟逢世難、流離豈獨汝
落日滿西山、羣鴉返平楚、人生不如禽、尚得騫毛羽

過仙霞茶嶺楊姑小竿大竿五顯諸嶺

茅店月已落、樹上羣鴉噪、客子戒晨征、登車向青嶠、千
林曙色開、初日山頭照、宛轉歷數峰、一徑懸孤峭、萬仞
登其巔、高鳥分前導、不睹下界塵、盡被浮雲罩、手足正
拮据、耳目礙聽眺、嵐翠濕衣裾、迴步驚奇奧、下嶺喘未
蘇、突兀羣嶺到、連綿數起伏、人力難深造、一日穿六峰
林壑各窈窕、鳥鳴山欲語、花開山欲笑、閩浙此地分、兩
省關樞要、行行一二里、巉巖劈空鑿、夾壁陡入雲、一澗
響飛瀑、百轉渡溪橋、棧路多折拗、能於險處幽、始極山
靈妙、傍晚嶺復峻、變幻非人料、力疲神益旺、遂我生平
好

仙霞嶺

雄關劣削插天開、復嶺重岡萬壑哀、四面總山尋路出

一蹊如線劈空來。鼠梯銜尾愁難進。鳥道當頭只自猜。
滿眼烟花難應接。置身忽在碧雲隈。

自漁梁梨嶺至浦城

處處山光對面開。籃輿三日路週迴。喧林百舌呼黃鳥。
夾道新桃換落梅。蠻徼客愁重度嶺。天涯春好一登臺。
白雲回首浮西北。那有鄉音萬里來。

閒步

浦城四望總山家。信步閒行石路斜。落盡殘梅香滿地。
一齊春色上梨花。

大羅灘

危灘日累百。獨此風波大。森布石橫江。常愁路坎圯。立
者如猱騰。蹲者如虎坐。細若鼃鼃游。巨若蛟龍臥。輕舟
薄於紙。盤旋此中過。手眼一乖張。頃刻傷卵破。天地何
不仁。萬古留奇禍。行人空繁憂。山鳥自鳴和。

清州

二月清州過年華。迴不同畦分秧水綠。路踏杏泥紅。夜
雨啼蠻鳥。春山叫草虫。未知鄉國柳。曾否破東風。

水口觀泉二首

停舟對夕暉，村落依山半。
一水掛峰頭，白雲遮不斷。
澗道夾空山，石橋當瀑布。
水中見落花，何處藏春樹。

遠客五首

遠客愁春草，萋萋發舊根。
長鏡難盡拔，細雨復沾恩。
不覺香生徑，惟添綠到門。
天涯歸未得，千里怨玉孫。

遠客愁春雨，淒涼動我情。
挑燈光黯淡，入夜響分明。
蠻海常多潤，閩天不久晴。
何勞雙屐蠟，閉戶一先生。

遠客愁春樹，東園非故林。
枝高垂荔葉，花細展蕉心。
捲幔遮新月，移牀聽暮禽。
難舒千里目，處處老榕陰。

遠客愁春鳥，無端海上遊。
三山啼曉曉，萬樹響鈎輈。
逐婦雲連屋，思歸月滿樓。
那堪驚好夢，夜夜五更頭。

遠客愁春老，天長易倦人。
飛紅花寂寞，啼碧鳥酸辛。
漸覺衣衫重，還憐風雨頻。
眼看佳景過，海表一孤身。

竹

瀟洒讀書堂，干霄竹一方。
老根穿古砌，新笋出高牆。
對奕春愁絕，彈琴夜興長。
有時幽夢醒，風雨助清涼。

桂

桂性繇來異，誰知老更辛。
一年花不斷，四序色常新。
只

古詩堂集
道淮南樹如逢故國人。高柯能耐久。何必讓松筠。

芭蕉

官廨多餘地。芭蕉處處栽。深紅承雨露。新綠照樓臺。酌
酒杯堪製題詩葉。可裁美人風致別。翠袖立蒼苔。

蝶

蛺蝶偏輕薄。翩翩向客廳。一年花不歇。終日影成雙。晒
粉依前徑。尋春到隔江。何時余化汝。歸夢繞家邦。

六月二日夢丘曙戒因感舊事六首

一客甌閩已二年。只疑百粵地相連。誰知尚隔三千里。

細雨篝燈響杜鵑

江山百折憶同舟。嶺外干戈苦不休。最是越裳南畔路。
掛刀走險逼雷州。

荔枝熟後一圍紅。身在閩中念粵中。曾記山山携手處。
攤錢沽得滿筠籠。

當年無日不詩瓢。萬里何曾歎寂寥。今夜夢中吟正好。
驚人牕外雨瀟瀟。

聞道官裁已就閒。

王給事疏請裁缺

鶯花春老定還山。楓亭昨

日傳君信依舊淹。留五嶺間。

鷓鴣啼處嶺雲荒，獨夢隨君到故鄉。
誰識故人游汗漫，一般海嶠醉檳榔。

夢同方爾止於丘曙戒席上聯吟

吟詩髣髴追高士，把酒分明傍逐臣。
夢裏一聲啼鳥散，

月明同是未歸人。

爾止客山左

白蓮驛

山月上巖牆，紛紛薜荔光。
半牀松影落，一夜澗聲涼。
蝙蝠穿簷牖，流螢繞屋梁。
預愁明日路，不寐獨徬徨。

汀州道中

左顧潮陽右贛州，新羅高據萬山頭。
番猺接地蟠關隘，烽火連天起戍樓。
日夜鄉心惟北向，古今汀水獨南流。
可憐滿眼崎嶇路，更有猿聲喚客愁。

家書聞丘曙戒還里卽寄

家書發自六月二日余在福州夢同方爾止飲

曙戒宅聯韻紀以絕句今書發之期適與夢符卽寄一律

六月二日家書發報爾新從百粵還，
何意夢中相執手，便同花底各開顏。
分明氣暖蒸雲樹，惆悵風高隔海山。
我尚淹流身漸老，可能今夜入淮關。

再宿石牛驛

古詩堂集
溪田秋稻熟，荒驛鎖孤村。接竹通泉脉，因山置石門。鷄豚仍信宿，烟火又黃昏。憶昔寒蛩語，依然傍樹根。

將樂道中
山村一路野人家，小巷秋風對日斜。白擣青筠齊造紙，池開白水盡漚麻。

雙峰道中

深山四望行人絕，古樹千行落葉聞。猿鳥聲多天日少，西風湧起一潭雲。

中秋昭武對月憶家

夜涼秋水白平池，酒醒三更湧客思。燈下寒螿啼更切，嶺頭候雁到何遲。遙憐兒女關心日，應念山城翫月時。風物故園今正美，碧菱紫蟹待誰持。

雨霽舟行

秋色晨初霽，千峰各開朗。幽禽出空谷，飛鳴沙磔上。隨灘轉孤舟，人烟一村廣。不見山中泉，惟聞流泉響。昨宵秋漲高，柴門溪水長。沿洄知岸改，舟子忽停榜。回看杳人烟，蒼深但林莽。

延平晚泊

一郡樓臺城外見，半天燈火夜深看。
南平江上峰千疊，如此溪山畫亦難。

閩中秋興二首

廿載凋零未息戈，眼前災異復如何。
彌天不斷三山火，匝地平翻數丈波。
室盡寒灰傷燕雀，人餘腐肉飽鼯鼯。
誰當蒿目真無策，獨對西風感慨多。

海國樓船半寂寥，夏門浯嶼莽蕭蕭。
百年廬舍埋荒草，終日桑田上晚潮。
開府新聞迴彩鷁，投戈蚤已插金貂。
莫教諸將誇銅柱，東望烽烟未盡消。

羅源道中

大麓莽蕭蕭，天空葉亂飄。
溪沙分燕尾，嶺路折蜂腰。
字蝕青苔壁，泥深白板橋。
千峰低晚照，前路復迢遙。

福寧道中野望

蕭颯風吹兩鬢斑，終年爲客遍閩關。
幾番鴻信思鄉杳，一點鷗明傍海閒。
紅葉已乾猶在樹，白雲雖冷不離山。
芒鞋欲脫知何日，滿眼烽烟暗百蠻。

過謝臯羽里

海水已沉趙氏肉，空山寂寂聞誰哭。
先生揮淚上西臺。

呼天搶地驚林木，四百年後有餘聲。哀音繚繞留空谷，
回思古人哭者多。心存宗社先生獨，昔登先生臺，今入
先生鄉。北風吹海水茫茫，蜀鳥不啼漢鳥死，地下嗚嗚
哭未止。

福寧署齋

寒城風物古溫麻，官舍牆低半未遮。一帶青山來几硯，
滿林紅葉照簷牙。霜螯佐酒談偏永，石首爲羹飯日加。
大姥高峰三十六，不知何處是仙家。

出福寧城

歷徧閩南第幾州，歲寒風雨出東甌。平翻白浪兼天遠，
亂攪青山入海流。眼底分明羅雁蕩，日邊縹緲見琉球。
無端百折秦川水，空繞茫茫萬古愁。

歷大梅松蘿二嶺

峰轉溪迴石徑斜，長空飛棧白雲遮。冬深一路逢春色，
樹樹寒梅盡着花。

蚤登廉嶺

絕頂朝登俯視雄，乾坤無處不鴻濛。滄茫一氣真如海，
雲作波濤混太空。

蚤發寧德

晨起發寧川，千峰斷若連。
海雲紅帶雨，山霧黑薰天。
振袖崇岡上，尋源瀑布前。
此身依白鶴，何日是歸年。

人日

海嶠鶯花滿眼春，草堂萬里客愁新。
可憐此地無歸雁，那得題詩寄故人。

閩江春暮懷古四首

金鎖江頭寂寞紅，扣舷人倚落花風。
鶻啼日暮三山外，猿嘯春深萬木中。
只好無諸成霸業，何堪南宋作行宮。
翠華轉眼如流水，芳草千年恨不窮。

海國蒼茫一水遙，白雲飛去霸圖銷。
越王孫子空分散，何氏仙人漫寂寥。
江上寒生春釀雨，船頭沙漲夜通潮。
惟餘萬古青山在，綠荔花香兩岸飄。

山連石岬遠坡陀，碧嶂重重蔭薜蘿。
溪上三郎乘白馬，江邊一女化青螺。
縹緲花落春如許，格磔聲悲客奈何。
兩載飄零蠻海路，新愁應比去年多。
屠龍人杳只荒臺，臺下江流萬古哀。
山色鬱紆城外繞，潮聲嗚咽海門迴。
何年壁壘今猶在，滿眼樓船事已灰。

數點沙鷗吾美汝等閒飛去又飛來

古田道中值老母生辰

瞻雲遊子萬山連春老扁舟溯古田三月三纔添兩日
六旬六又過期年久知霜鬢因兒改莫把慈腸對酒牽
北望情深何以達清晨遙拜越南天

自困溪歷延平抵建寧雜咏七首

山色連南劍清江雨一篷移舟艱咫尺負竿入高空岸
篠低欹翠巖花濕倒紅數聲歸去好春老杜鵑中
春山兩岸出清影落篷牕鶯老鳴相對鷗閒浴自雙花

谿紅隔水苔壁綠翻江端坐嗟柔櫓應難渡急瀧

風吹博望槎白浪滾江沙纜走懸崖險舟穿亂石斜龍
鍾垂澗竹躑躅映山花野泊無人境前林起暮鴉

江曲路千灣推篷客意閒連宵雨洒落到處響潺湲峰
轉遮懸瀑雲來補斷山幽情堪自適四望鎖烟鬟

兩岸排高峽千林響畫眉潛知幽澗咽倒聽老松吹仰
面驚天狹回頭惜棹移不陰常易晚莫怪路行遲

不寐數嚴更危崖戍火明聞鶉春淚滴防虎夜心驚枕
落高灘響篷懸密雨聲山川婁絕處魂斷劍州城

古詩堂集
溪轉峰迴地人烟聚一村魚鹽通水市鷄犬臥柴門樹
密禽言雜樓高雨氣昏山田耕到頂處處綠秧繁

上灘行

白沙滾滾翻江急蒼崖齒齒排空立水石終年鬪不休
波濤直欲沾天濕長年三老力如虎櫓摧篙折撐難入
浪頭吼作老龍吟江心愁對潛蛟泣舟行最險是甌西
萬水千山下建溪真使行人行不得道旁莫怪鷓鴣啼

建寧官舍有感

何人遺廢宅苔老綠甌斜此日爲官舍當年必故家野
禽爭哺子荒草欲欺花作客看榮落臨風一歎嗟

畫眉

停筆時聞好鳥聲雙眉濃淡未分明將余錯認張京兆
故向牕前宛轉鳴

鷓鴣

越鳥偏來對楚囚南飛終日叫鈎輒誰知黯淡灘邊聽
亦似黃陵廟裏愁

三山客舍

嶺瘴重重青草齊歸來愁絕客樓西牕前一樹荔枝熟

日日鷓鴣枝上啼

盧師維將歸，余有興泉之役，賦別。

暫客先歸久客留，臨行無限故鄉愁。孤帆北向知長往，雙屐南征尚遠遊。海瘴黃茅添旅夢，江楓紅葉到家秋。逢人若問蠻方信，歲暮天涯亦放舟。

烏龍江晚渡

沙頭爭晚渡，風送野航輕。海近江先濶，潮來水欲平。烟光一鳥白，秋色萬山明。幾曲孤村外，漁榔入浦清。

蒜嶺驛蚤發

積水天涯路，蒼茫古驛東。重嵐山盡黑，初日海俱紅。鷄唱扶桑外，人行絕徼中。波濤不可息，俯仰問秋風。

惠安得家書

家園一望水連天，生計難憑百畝田。今歲官租昨歲納，又愁催促到明年。

過洛陽橋弔蔡端明

洛陽江上萬安橋，山雨初晴瘴癘消。太守風流曾檄海，行人安穩任通潮。石垂虹影三千尺，天助神功廿一朝。今日道旁遺廟在，松聲秋色聽寥寥。

古詩堂集
泉州九日

西風搖落刺桐城，海上何年議罷兵。
萬里瘡痍增客淚，千山烽火動邊聲。
遙憐故國黃花老，只恐深秋白髮生。
無地登高門自掩，銜杯搔首獨傷情。

建溪蚤發

舟子晨炊起，愁人夢未央。
枕殘孤棹月，山瘦五更霜。
鷄遠知村過，鴉多識樹荒。
朔風寒到骨，歸路總茫茫。

漁梁旅店

雪霽投山店，漁梁落日寒。
清流千澗淺，紅葉一蹊乾。
樹密風生易，峰高月出難。
登牀頻喚酒，無語坐燈殘。

楓嶺道中

自五顯嶺至楓嶺，兩山夾起一澗中流，水奏八音，石紛五色，蒼松礙日，翠竹干霄，秋果猶懸，寒梅未綻，鳥聞聲而不見，木脫葉而欲飛，顧影徘徊，寄情哦咏。

朝行浦城野，午入江山境。
嚴霜冒蒼林，旭日明丹嶺。
雙崖夾道合，絕磴羣峰挺。
俯視不測谿，森然毛骨凜。
流水瀉琴瑟，幽響送清冷。
老松振高吹，修竹搖寒影。
含梅任鳥啄，殘果待猿領。
石氣着丹青，谷音傳欬警。
步履行復遲，耳目喧逾靜。
明知前路遙，移情戀佳景。

衢州江上晚酌

沙邊成酌晚山暝落餘暉舟小偏容月江空不見雲村
燈寒自閃水碓夜還聞閩越三千里從茲客路分

一草堂梅花雀啄止餘一枝偶同王式之過訪喜

劉雪舫吳俊若繼至因招施又王不見漫作一

首

簷間衆雀啄梅花可憐惟剩一枝斜春來閉戶惜花坐
手撫殘枝獨歎嗟門外丁丁幾緹屐開門迺是看花客
主人迎客出草堂一笑登堂話疇昔白下王子偕我進
劉子吳子燕臺駿當筵雄辯廢千人春風洒落吹青鬢
主人顧客喜欲狂復念施子來金閨折柬招之不得至
搖搖烟柳迷星光洗盞重向花間酌相聚終無今日樂
不恨枝頭花不多恨不蚤來驅衆雀

閻再彭城南詞索和

久憶枯藤掛遠林芒屨不至負春禽老枝攀盡無人惜
未到城南亦痛心

水邊看桃花同又王再彭三首

桃花水漲桃花岸楊柳風搖楊柳堤一徑自從過宿雨
雙鞋不惜浣春泥

數畦野菜水邊黃，拄杖穿花步步香。絲竹不携春晝靜，
却教鶯語太匆忙。紅顏照水遭花惱，白髮窺園被柳欺。乘此好春須盡醉，
無風無雨不多時。

初夏送閻百詩之山右

芳草連天一望平，馬蹄人影共西行。輕搖麥浪風吹路，
亂點楊花雪向城。故侶幾時重握手，高堂此別迴關情。
與君翹首三秋後，極目雲霄聽雁聲。

黃大宗招集吳興公施又王馬西樵程婁東泛舟

樹合山堂一水平，沿溪共作放舟行。纔逢載酒開顏笑，
每到看花倍眼明。碧水自深新睡鴨，綠楊初老不聞鶯。
坐中誰是離騷客，握手來朝采杜蘅。

謝陳階六贈方竹一枝人面竹二枝

南方怪底多佳竹，輕瘦從來作杖筵。昔我曾行千萬里，
誰人肯贈兩三枝。老年踏雪登橋穩，勝日尋花步履遲。
此後山川遊不倦，出門到處有扶持。

懷惲道生向

不見先生二十年，至今書畫以人傳。閒從敝篋尋詩句，

忽向蒼崖坐曉烟

贈予畫并題詩有我愛君貧似我貧之句

懷釋友蒼大嵩

一代繁華散秣陵我來猶遇六朝僧山中不管興亡事

只對蒼松倚瘦藤

師有對松詩三十首

懷梅杓司磊

梅生常擁鸚鵡裘少小豪華今白頭怪得相如病消渴也應才子忒風流

懷鄺無傲日晉

自關名園老佛山無端車馬日追攀祇緣結客江湖人

一派林泉總不閒

九日喜高漢思王帆仙蔣荆名見過

常年九日多為客今日題詩客滿堂鴻雁忽從何處到菊花仍傍故園香簾懸落葉迎新霽琴帶秋聲冷夕陽不待風來先脫帽登高爛醉亦何妨

西樵山人歌

我行嶺南萬里路眼見名山日無數怪事惟有西樵山當時不一回頭顧歸來惆悵正無聊想像仙靈福地遙忽有客來相問訊公然自命曰西樵我笑山人太唐突

古詩堂集
雙屐何曾臨百粵。覲面曾經尚失之。汝乃甘心作巢窟。
山人笑我何迂疎。仰看天地亦蘧廬。一日神遊通八極。
何勞僕僕日驅車。

送丘曙戒補倅武昌

天高秋晚氣蕭森。千里長風送客心。荆楚歲時依夢久。

先世襄陽人

漢陽樹色隔江深。

尊公爲漢陽太守

故人白首常凝望。

司馬青衫莫苦吟。聞說武昌魚最美。知容把釣一相尋。

看杜于皇移寓

此來因看竹無意。得空亭流水當牕白。寒烟隔岸青江。
淮隨去住。歲月老飄零。託足終何處。乾坤萬里萍。

將之楚留別同學諸子

尊酒臨岐賦遠遊。乘風直溯大江流。潯陽夜靜琵琶冷。
夏口春深鸚鵡愁。驛路三千花送客。山川一半鳥隨舟。
相思何處開雙眼。黃鵠磯邊獨倚樓。

潯陽野望

孤帆初過亂鶯啼。野戍荒城水拍堤。九派江連春水漲。
千重峰壓暮雲低。先生楊柳空搖落。商婦琵琶獨慘悽。
欲上匡廬愁日晚。紫烟遙望與天齊。

丘曙戒招飲留宿署齋
春雨留官閣江花對故人
頻年多聚散回首各酸痛
飲今何夕開懷忘我貧
漏深支短榻高燭倍相親
送丘曙戒之洞庭

東風吹送布帆斜
落盡黃陵廟口花
看徧君山歸莫晚
故人西望立江沙

大別山
江漢同流處爭趨大別山
苔碑存禹廟鐵鎖斷吳關
烽火千年冷龍蛇萬里閑
憑高懷古蹟俯仰獨開顏

黃鶴樓欽兒彈琴次閻錦濤韻

一自飛黃鶴茲山久絕音
琴聲留夕照江水淡人心
林靜息歸鳥天空見遠岑
仙踪猶不遠嫋嫋足幽尋

丘曙戒署齋初成燕集同人

司馬堂東闢地新金樽夜照月
粼粼官清無媿稱名士
祿薄猶能醉故人一部吳歛
燒燭短兩行楚舞落花頻
最憐千里江湖客顛倒于君
不厭貧
歌妓芳塵持箋索詩走筆寓意

才名老去歎誰知兩鬢如霜
零落時不意詞場三十載

古詩堂集
新詩今付與紅兒

九月一日蕪陰見菊

怪殺蕪陰菊花先九日黃客行無曆日只道過重陽

病起

自笑爲儒老更貧殘冬蕭索漸迎春夢迴看雪依高閣
病起裁詩荅故人數點寒梅清照影一枝方竹穩扶身
從今晨夕鈎簾坐簷鳥憑窺白髮新

遠遊館爲再彭賦

半間茅屋可容身千里從茲也問津眼底乾坤雙做屣
胸中丘壑一閒人常聞塵柄搖山水不用騷詞泣鬼神
世事無端原自有何曾驚動葛天民

送孫無言歸黃山

老住蕪城意惘然黃山遠隔白雲邊還鄉詩送逾千首
作客人留又十年遙憶猿孤啼洞月更愁花冷落溪烟
故園有待歸林晚多少江干上瀨船

賣硯

昔我遊端州携得水坑石色紫如馬肝四隅不徑尺相
與助高吟磨洗光几席豈意逼饑饉無可充朝夕此物

實誤人揮之故不惜

斜川生歌

陶淵明以辛丑五日集親朋於斜川閻百詩以是日生兒詒樸呼之日斜川生已十歲矣余歌以紀之

開歲五日天氣晴逍遙策杖城西行
閻家留我飲春酒兒能拜客解逢迎
自云童子年十歲父命呼我斜川生
謂我懸弧適今日此義取自陶淵明
淵明氣節高千載再拜先生爲我作詩寵其名
我聞大笑撫兒頂樂哉爾有賢父兄
今人志趨苦不高願兒富貴作公卿
靖節先生歸去蚤逍遙五柳逃簪纓
我憐俗士必嗔避誰肯與兒期
生平斜川生樂哉爾有賢父兄
自顧其名慎勿輕

春懷雜咏六首

晨起步廣除仰見雙白鶴清唳落高空
健翮振寥廓一舉翬雲霄萬里游方嶽
衆鳥不得隨日夕依林薄鳧鷖滿田間
稻梁終日飽鳳凰棲丹山獨守梧桐老
飛鳥不可知各自殊懷抱賢愚慎所擇
隨時愛其實燕雀銜春泥結巢依我屋
吁嗟屋下人飄搖難聚族不羨玳瑁梁
風雨甘追逐誰適計綢繆相與存傾覆

川瀆失故道，一決不可止。城郭沒洪濤，桑田委逝水。遊鱗出樹杪，鳴蛙躍竈底。河伯實匪仁，征徭從此起。步出城西門，悵望北村柳。長條昔冉冉，摧折難獨守。春色付水流，盡向沙泥朽。何處有黃鸝，消此尊中酒。繁霜滿樹枝，鬢髮同皓皓。霜消樹復榮，髮變人趨老。碌碌過五十，學道悔不蚤。繁憂煎人心，達士長壽考。

懷丘曙戒鄂渚二首

蘭蕙吐芬芳，結根在楚澤。欲采涉江湖，風波千里隔。遠望心搖搖，慮子不得識。安能置我旁，光華生几席。

春雁自南來，言從瀟湘返。鄂渚歷中途，蘭蕙滋九畹。美人下長江，佳期在旦晚。歧予日望之，山川尚修遠。

懷蔣荆名羈旅二首

冰雪覆春郊，出門不識路。高天斷雁鴻，深草匿狐兔。我懷流浪客，蕭條空旅寓。四顧無所之，饑寒獨扃戶。鷓鴣尚有巢，一枝自安處。鴻鵠志四方，往來無定所。懷才餓他鄉，不如太倉鼠。我貧莫汝匡，何用相朋侶。

送徐青瑞元墓看梅

冰雪泮江湖，南梅信有無。春林新鳥出，野寺落帆孤。雲

白藏山路香清入酒壺夕陽驢子背撲面亂花鬢

懷同學六子六首

夙昔懷經濟投筆事戎行知己恩未酬感慨歸故鄉白
頭逢世難貧居無餽糧四顧寡所合驅車逐道旁還歸
理素業乘時惜景光

張徵君璵若感遇

恬靜若無營所營異衆慕著書不求名賦詩述所遇攻
苦絕韋編慘澹禿毫素手持一斗酒加證古人誤何以
識苦心幽居繞棟樹

胡孝廉從中著書

宦遊隔閩嶺哀哉櫻鞠凶越歲得旋歸冒暑山谷中染

疾逾六載鍼砭無成功搖精與勞形古人戒其躬黽勉
加餐飯髮白顏如童

陳黃門台孫養疾

結廬在市廛閉戶非絕俗可近不可狎世網難榮辱五
嶽志未伸三徑願亦足結髮與我交白首如金玉嗤彼
勢利徒翻手忘信宿

閻高士修齡杜門

壯盛秉鈞衡歸營五畝宅層臺俯清池雜花羅紫陌舉
酒送良辰賦詩雜嘉客遙遙百年期甘心託泉石豈敢
望蒲輪混我青苔跡

張吏部新標閭居

朝辭侍講筵夕承司馬詔朱崖與鄂渚遠近隨時調枳

古詩堂集
棘棲鸞鳳。翩彼斥鴳笑。因時良委蛇。立身守直道。聖賢
遇艱貞。矯矯樹節操。丘翰林象升羈宦

花朝張雲子招飲東溪未赴二首

令節無風雨。春光遍水涯。碧開新瓮酒。紅隱隔離花。唼
藻羣魚出。過簷一鳥斜。行吟三五客。隨意踏溪沙。

良辰誰忍負。况復是花朝。折柳尋前岸。聞鶯過別橋。蹉
跎白紵舞。惆悵碧樓簫。緬想東溪夜。春風燭影搖。

倪天章薙髮爲僧暫歸一草亭奉訪

亭外梅花似昔年。春風不改主人前。香厨留客抄雲子。
粗布裁衣作水田。此日妻孥無定處。當時詩酒盡茫然。
爲誰苦癖登臨興。直欲芒鞋徧大千。

寒食有感

一春風雪可憐花。袖手空庭日又斜。冷竈無烟非禁火。
年年此節在貧家。

丘曙戒轉運楚糧過里門投贈二首

儒臣握算急軍需。坐擁貔貅入上都。兩袖清風高楚漢。
千帆明月下江湖。晨昏便道還趨省。庚癸前途莫亂呼。
爲報匡時蕭相國。轉輸原自有良圖。

前歲乘舟到武昌，俸錢分盡最難忘。歸來臥病誰相問，憶却同歡轉自傷。黃鶴白雲游子夢，清泉碧石使君裝。柴門無地旋車馬，偏愛吟詩過草堂。

丘曙戒席上贈衡州呂季成黃州宋牧仲二別駕

楚澤同懸半刺章，春來烟水日連檣。湖南雲氣開衡岳，

江畔風流映雪堂。詞賦漫勞千里顧，尊罍且盡一宵償。

獨憐白首逢知己，二君見小集傾倒明日天涯各爾望。時呂公北上宋

公南返

雨中陳階六黃門招同孫惟一學士奉陪周櫟園

司農限韻

鈎簾日日笑談新，細雨清樽忽送春。座上布衣原酒客，

渡頭官舫老詩人。文通自覺才華盡，伯樂偏能顧盼頻。

我願隨風作柳絮，共君相逐下淮津。

送閣百詩紉蘭歸太原省試

楊花如雪裏征鞍，西顧迢迢散曉寒。三晉河山身幾度，

太行風雨路千盤。車箱滿載圖書古，旅舍雙依枕簟安。

明日送春今送客，禹門高浪好同看。

張鞠存吏部招陪周櫟園司農曲江樓看牡丹余

因醉臥丘曙戒翰林桐園三日未歸遙和其韻
 花開時節却春寒。細雨輕風滿畫欄。訪舊已成三日醉。
 登樓遙對幾人看。名園選伎歌聲緩。上客催詩禮數寬。
 如此風流誰不羨。更燒紅燭夜漫漫。

送春

一壺酒盡一燈深。醉裏尋春何處尋。未到曉鐘人已睡。
 老年春去不關心。

雪巢牡丹移種臥山草堂越十年矣重得見之因

讀茶坡再彭舊句慨然作二絕句

壯歲相看在雪巢。老來重訪出西郊。名花兩地十年別。
 直似天涯遇故交。
 十載尋花憶舊游。紅顏花底醉筵篸。飲牛老矣茶坡死。
 羞對名花掉白頭。

北村魏家看紫牡丹

名花如盎十分開。萬紫橫陳玉砌臺。花似不能忘故主。
 千年還到魏家來。

兩夜舟中與丘曙戒共榻話別

屈指君今六入燕。芒鞋追送大河邊。琴尊暫對孤燈語。

風雨臨岐共榻眠。瘴海十年春夢遠。離亭一夜客心懸。此行漢主方前席。珥筆應還舊木天。

送閩錦濤之任安溪

安溪此去歷干溪。聞道天涯靜鼓鼙。橘柚正當秋雨熟。鷓鴣休對晚山啼。蘭橈水漲呼兒去。欽兒借行繡幕風開仗。汝携送別今朝情。萬里烟波回首夕陽低。

十難欽兒將之安溪以離家至閩山川風土為問拈四

直四六十八韻示之

離家過安平。漸入秦郵路。揚州攬繁華。遙望瓜洲樹。京

口隔長江。金焦連北固。雲陽下毘陵。錫山酒可融。佳麗

稱姑蘇。閶門饒財賦。吳江繡水間。震澤籠烟霧。仰見石

門高。貿絲兼抱布。臨安壯且雄。西湖冶游處。行旅急喚

舟。取道錢塘渡。富陽至桐廬。山川莽回互。巖灘若畫圖

峰巒列無數。睦州居上流。萬壑爭奔赴。蘭溪溪中石。文

彩五色具。龍游地平遠。三衢水逆溯。登岸是青湖。舍舟

各從步。江郎三片石。離合望朝暮。來日登仙霞。飛鳥逝

莫度。茶嶺歷楊姑。小竿足難駐。楓嶺即大竿。浙閩通門

戶。此山石磊砢。曲折多幽趣。五顯猶欽崎。力疲目亦瞶。

古詩堂集
漁梁接梨嶺。嶺盡穿芒屨。數日盤山行。滿眼迷丹素。竹
樹雜時花。好鳥鳴相呼。旅店候買舟。浦城且安寓。入舟
抵建寧。環灘列刀鋸。激水聲如雷。觸石蛟龍怒。去向古
延平。灘聲更可懼。惺惺黯淡灘。聞名勿恐怖。雙龍劍杳
然。百角樓如故。順流水口驛。人家山腰住。奔泉流日夜。
深林竄狐兔。芋源近會城。霸氣猶擁護。三山聳王宮。六
街集賈鋪。籃輿越福清。蒜嶺觀海曙。琉球森茫中。日月
自來去。三江珍錯繁。莆田人物庶。山海足漁樵。出沒隨
鷗鷺。仙游楓亭佳。荔枝實可慕。昔行惠安野。沿途苦海
颶。跨海洛陽橋。烟波日吞吐。溫陵美風景。人才各軒翥。
安溪雖未游。大約在指顧。我昔所經過。歷歷皆可據。萬
水共千山。歸來證我語。

哭張伯玉

先生天下才。嶽嶽起華胄。幼奉嚴父訓。規矩凜然守。懷
才數十年。抱璞不見售。自信命世資。知己定有候。磊塊
橫心胸。羅列經天宿。無何逢世難。中原多盜寇。將相各
逡巡。乾坤自格鬪。先生應聘起。揮淚思匡救。狂賊已瓦
解。故國亦鼎覆。天命既有歸。奉身安去就。長揖謝知己。

古詩堂集
掉臂拂雙袖、白雲自怡悅、亭亭戀山岫、偕我入竹林、味
同芝蘭臭、昕夕共論文、比耦相耕耨、唱和詩千篇、著述
日益富、寧甘老更貧、未肯輕奔走、田園已荒蕪、屋宇已
傾仆、髮白鬚眉蒼、皮皺肌骨瘦、齋志溘焉逝、瞑目辭故
舊、哀哉素心友、雪涕澆醇酎

九日新晴、遲王阮亭丘季貞不至

昨宵風雨過南牕、霽色初開照酒缸、公子何方尋紫菊、
美人不至隔清江、戶旁冷語蛩相對、天外羣飛雁自雙、
作賦登高吾老健、雖然頭白肯心降

過胡天仿齋

主人愛獨坐、庭敞望秋空、扶杖尋遺老、披襟逼素風、匙
翻新米白、盤剝晚菱紅、盡把君詩卷、高歌落日中

荅人問余結廬何處

石版橋西一草堂、背城淮水舊山陽、幾千里外遊初倦、
二百年來宅盡荒、閱世滄桑悲老大、著書風雨見行藏、
身潛閭井無人問、何用浮名在四方

寓青溪庵、弔鄰祠黃忠烈公

公諱觀、夫人翁氏暨
二女沉水死

青溪庵傍青溪曲、青溪老僧留我宿、不見青溪舊小姑

但聞東鄰古廟寒。松聲謾謾起行冷。月一庭空夜半無。
人惟鬼哭。侍中正氣照山河。妻女捐生委逝波。國祚未
移同日死。若逢改步更如何。

青溪庵夜懷丘曙戒

舟眠不厭遲。張燈影磅礴。庵眠不厭蚤。對燈影蕭索。一
朝乍分手。輒作數日惡。朋友意氣深。其中有真樂。獨宿
夜何長。展轉睡方着。夢中不知別。相呼展笑謔。

五人可憐二首

舊曲中作

傾國佳人再得難。少年聽說馬湘蘭。可憐和子張燈處。
樹老烏啼月影寒。

寇白門亡香粉銷。顧眉生嫁畫樓遙。可憐二十餘年後。
零落秦淮碧玉簫。

雨中黃大宗設蔬茗邀南菴上人山亭看梅

曲水橋通碧澗深。兩邊樹老各成林。含烟白斷山頭影。
帶雨紅垂屋角陰。日暮頻添登閣興。春寒不阻看花心。
風飄塵尾香生袂。踞石攀枝細細吟。

寒食拜始祖墓有感

荒阡常對草蕭蕭。今古寒烟伴寂寥。白水繞田三四里。

綠楊夾路幾千條。土中碑剩皇明字。地下人當洪武朝。
零落子孫貧到骨。惟申百拜拱河橋。

閻叅議畫像歌

少年飲酒如渴龍。一飲能吞數百鍾。生當天下無忌諱。
吟詩歷落吐心胸。閻公愛我才情好。常開東閣相傾倒。
醉後抵掌對我談。邊事繁憂百結心。如擣其時公子曰。
修齡與我同學復同庚。燈前課讀依朝夕。花間求友雙
嚶鳴。公死今經三十載。我亦老矣容貌改。可憐今昔時
不同。令人回首追風采。西陵戴子今畫師。貌公恰似公
生時。尺幅之內神色動。非我親見誰知之。目光電灼鬚
飄雪。志氣不衰肝腸熱。肌理渥丹顏如童。豈辨年高登
耄耋。紫金魚進賢冠。錦繡緋衣獬豸攢。舊人不見今時
事。今人空畫舊時官。戴子閣筆自得意。閻家子孫但洒
淚。我獨舉酒向閻公。一勾沾唇心已醉。

閻百詩携酒桃花園

一春老眼着梅邊。開到桃花也可憐。昨報新紅初破雨。
朝看野火欲燒天。問津不見漁舟繫。載酒頻招客屐穿。
雞犬已忘秦漢遠。蝶蜂能戀幾時妍。

哭胡彥遠墓

遙憐一病別秋燈。計到榕城客淚增。

壬寅別彥遠於病中甲辰在閩中聞

計三尺丘墳。稱處士百年詩草。竹高僧臨終道。加堅於

鐵。在世浮名冷似冰。哭罷茫然迴白首。夜臺携酒共誰

登

登臯亭山同山曉哲禪師

石上清泉倚杖聽。滿天秋色落臯亭。數峯晴入雲光白。

萬竹晨流露氣青。澗道偶然穿徑出。芒鞋特為看松停。

高人能任空山老。慚愧浮生兩鬢星。

秋日黃大宗招同張祖望孺懷諸駿男虎男徐武

令程漣東宋份臣嵇師巢西湖舟集

地與人兼勝。風流此會難。夕陽浮遠塔。秋水上高灘。桂

樹空山老。荷花十里殘。一聲烟裏笛。片月在林端。

送嵇師巢遊閩中

客去西風曉。月寒無邊秋水正。漫漫山迴驛路千重嶺。

浪破蠻江百折灘。橘袖香清黃葉墜。鷓鴣聲老黑雲攢。

此行滿眼皆丘壑。到處登樓仔細看。

秋夜同林鐵厓陸冰修黃大宗泛湖醉歸昭慶寺

古詩堂集
秋○水○夜○生○烟○湖○心○澹○林○樾○移○樽○上○石○橋○寒○露○侵○華○髮○寂
然○歸○僧○扉○犬○吠○山○間○印

下相烈婦歌

烈婦羅氏適張一年夫死婦自縊

下○相○山○遠○坡○陀○下○相○水○揚○洪○波○中○有○烈○婦○名○不○磨○所○天
弗○祿○淚○滂○沱○殺○身○以○報○時○清○和○烈婦死時前○有○虞○兮○後○有○羅○
下○相○烈○婦○何○其○多○

春草

沙○暖○平○原○水○滿○堤○春○風○過○眼○綠○萋○萋○藤○蕪○最○是○無○情○物
一○路○銷○魂○到○竹○西○

韻

閻百詩誦東坡改白香山寒食詩聞之凄然和其
敗塚傾欹支槁木黃狐饑守骷髏哭清明無物不淒涼
野草青青春水綠紙錢亂掛斜陽樹四顧傷心非一處
舊鬼莫與新鬼爭鴉銜麥飯高飛去
尚負母看花圖爲袁重其賦

昔愛潘安仁才高性篤孝栽花滿河陽板輿奉色笑今
愛袁孝子筋力壯如少負母花間行白髮紛相照小人
堂上年亦高堂前菊綻買霜螯無輿力薄安能負倚杖

古詩堂集
西家餉客椎肥牛。東家置酒招朋舊。我瞻周道獨徘徊。
兩家酒肉空腥臭。歸來一笑掩蓬蒿。自放袁安高臥高。
下相懷古
英雄氣盡不堪思。垓下悲歌歎失時。已把頭顱輕一擲。
名姬寶馬戀何爲。

蚤發南陽湖

山圍湖水色蒼蒼。朝氣霏微五月涼。兩岸風生蘆葉響。
一天雨過藕花香。渡頭野店青帘小。沙嘴漁舟白版長。
恰似江南時節好。魚肥麥老杏初黃。

謁仲廟

仲氏性純孝。傷哉歎其貧。菽水歡尚歉。負米養老親。小
人亦有母。甘旨不得陳。索米數千里。憂貽白髮人。整冠
拜遺廟。俯仰愧先民。

望南池

城下千章夏木滋。夜來新雨過南池。舉杯恨不呼供奉。
得句無緣問拾遺。幽勝至今傳往蹟。風流絕代美同時。
祇因人意徘徊久。水繞扁舟去亦遲。

容大張秋雨霽。懷瑜非指在江南。

客次無煩禮頭常盡日科涼飛千澗雨香送一池荷山
左見新月江南揚素波所期人不至芳草綠如何

遊東昌園亭幽絕至今新我擬風流與美同親
東郡城南萬樹開誰家依樹起樓臺山光遠近牆頭見
帆影高低檻外來水引曲池金鯽戲葉垂清露曉蟬哀
綠陰深處無煩暑安得移牀臥碧苔

臨清州

百雉連雲劃雙城抱水開勢奔東海去形捲太行來壯
彩增樓櫓雄風闢草萊關河通四塞憑眺一登臺

懷謝茂秦先生

風雅千年歎式微盛明牛耳定誰歸當時天下爭才子
竝駕山東起布衣氣格果然前代少譏評未許後人非
先生故里今何處幾度停舟問夕暉

掛合四女祠

人情重生男生女多不樂男大常相守女大遠閨閣恩
縣城北四女郎白頭不嫁依高堂同心貞孝古來少令
人只羨生女好

舟發天津至桃花寺

振柁隨津轉村荒水北紆人從為客老盜或近京無鳥
散桃花寺潮平丁字沽夕陽沙嘴上來往渡樵夫

河西務

村落團沙岸人家接土牆漁樵原共處鵝鴨各成行水
樹含秋色雲山變夕陽不愁年不稔一望黍苗黃

中秋楊自西都諫席上得花字

朝罷從容出日華滿城秋色杜陵家堂開筵繞紅襟燕
客到庭嘶白鼻駟對飲共期秋月好先歸無耐夕陽斜
前年此日曾携手白舫湖山看桂花

紀伯紫寓齋對酌

老友相招分外歡牕間促坐影團欒新詩對誦兩三首
美饌親調四五盤自笑依劉生計拙君能說項旅懷寬
瓷罌滿貯江南酒竟日淹留不忍乾

何崑學席上次連清可韻

自入都門知我希深燈疎影靜相依跡如雪上鴻留爪
話到霜高鳥欲飛難聚親朋歡進酒獨憐衰白賦無衣
天涯滿座家鄉客只當家鄉今夜歸

閩古古從河套入紫荊關相遇薊門為留三日臨

別以家書託之。梁陳關隴。陸離長劍繞邊城。黃沙覓路無青草。白雁依人入紫荊。別記十年顏未老。歸留三日話多情。憐余更比君家遠。珍重封書一橐輕。

雪霽陳石菴約醉鄉居小飲

雪後旗亭對夕陽。憑高放眼浩茫茫。雲連玉觀迷鳩鵲。烟散瓊樓見鳳凰。素篋披殘雙袖冷。青帘吹動滿途香。杖頭愛汝能相約。盡把窮愁付醉鄉。

程維東自平谷以米炭桃栗見餽賦謝

故侶相將書一筒。遠貽多物滿筠籠。香杭入甌連冰白。獸炭添爐對雪紅。出自羗戎桃核美。採來山谷栗房空。感知客舍愁無賴。特遣饑寒歲暮中。

送何崑學別駕建寧四首

竹馬迎君官越嶠。芒鞋憶我客蠻天。風光備載詩囊裏。細數依稀似眼前。

青簾白舫行千里。碧水丹山過幾橋。拄笏正堪容傲吏。幔亭峯翠倚雲霄。

三三溪畔水明沙。六六峯頭鳥啄花。此去行春過四曲。

古詩堂集
喊泉初試火前茶

下瀨湍流萬石攢，無風高浪客行難。
使君爲政多瀟灑，一路何愁黯淡灘。

長安歲暮詩

初至不識路，騎驢大道旁。
客囊久亦空，徒步脚跟強。
黃沙撲我面，塵土沾衣裳。
天寒風雪勁，颼颼肩背涼。
羔裘值不賤，粗布縫老羊。
癰腫公卿間，遐哉愧嚴光。

何潘二子席上戲贈較書

平叔朱顏非傅粉，安仁青鬢未成絲。
美人顧我休嫌老，曾見張郎年少時。

鳳凰送羅西叔下第歸武昌

馬首風吹楊柳烟，都門分手莫淒然。
便令得意遲三載，猶是人間最少年。

非干清明

春草春花滿目斑，家家剪紙掛幡間。
尋常丘墓無乾土，麥飯誰澆天壽山。

立夏前一日同人游刺蘼園得花字

園林綠暗洗春華，行踏城南雨後沙。
百草盡承茵細軟，

孤松獨偃蓋欹斜何愁白髮無詩興但把青錢付酒家
野鳥數聲啼又歇避人飛入刺蘼花

七夕同丘曙戒擬迢迢牽牛星用陸平原韻

河水阻且深可望不可步勞心憶牽牛欲涉屢回顧停
我手中梭捲我機上素人生歡會難白首傷遲暮感彼
烏鵲情填橋以相度離別在須臾涕零滋秋露

丘曙戒生日

鳳凰池上昔曾遊一去今經十幾秋館閣聯翩皆政府
江湖偃蹇尚監州官當強仕紆迴好人到華年數歷周
蚤晚雲霄應有待况君黑髮正盈頭

寓齋秋日雜感三首

黃民部蘭岩家止園在里門郭家池京師所居曰半房山

在梁家園余下榻其上下有疑野亭饒樓臺水石之勝旗亭相望日夜管絃燈火不絕

梁家園比郭家池野趣天然不復疑烟水雲山千里合
江湖廊廟兩情移主人攬勝常携酒客子憑高日賦詩
無奈朔方砧杵急哀蟬落葉動鄉思

西風蘆荻起秋烟石磴高盤斗帳懸縈繞池塘分似合
坡陀山塢斷還連誰家夜夜傳燈火隔岸朝朝列管絃
獨有旅人耽寂寞空亭望月幾回圓

繁華原自不關情，獨坐山房秋氣清。
嘯入層臺窺雁路，夢回孤枕數鐘聲。
文章於世何堪問，升斗依人貴有名。
豈是長安能閉戶，一生性僻懶逢迎。

李雷中舍人席上送丘曙戒旋里

酒滿離尊月滿天，長安今夜兩凄然。
晚秋歸去人千里，孤館淹留客二年。
薄祿微官艱遠郡，老親稚子累荒田。
與君各有遭逢苦，臨別傷心百慮牽。

池亭閒步遣懷二首

設榻疑山上，層層石磴低。
朱闌沙徑曲，黃葉草亭西。
笑

我留鴻爪看人逐，馬蹄老夫疎放火。
暫就一枝棲

拋卷幽牕晚，支筇立釣磯。
魚窺人影散，鴉抱夕陽歸。
秋水寒生照蘆花，老欲飛。
滿城砧杵動，錯問故鄉衣。

蔣節女

蔣許字高漢思姪，未嫁高歿。蔣誓不改嫁，漢思爲徵詩表其節。答女同時皆崇禎初

年事余故并稱焉

宋末多遺民，未仕持高節。
吾鄉龔翠巖，錚錚古先哲。
綿邈四百年，淮水流嗚咽。
此義激深閨，柔腸化堅鐵。
蔣女字高郎，及笄禱未結。
高死矢靡他，凝淚迸紅血。
貧窮志弗移，春秋祀無缺。
青閨秉幽貞，孤燈照冰雪。
答女適同

古詩堂集
時傷哉淮堤決、蕭郎婚未成、溺死尤痛絕、情義禮之變、
兩女能昭揭、迄今俱白頭、艱辛經百折、未嫁與未仕、千
秋相映澈、此風與長淮、涓涓永不竭。

元旦

甲寅客都門

酒醒聞鐘識歲更、客懷輾轉問天明、敝裘下榻披能慣、
宿火開爐撥又生、千里望親雙眼隔、兩年爲客一心驚、
空亭散步看殘雪、初日矐矐起鳳城。

送杜湘草旋里

水薄春水融、雪積春山冷、柳垂西向條、雁度南來影、
物候感人心、遊子還鄉井、鄉井二千里、四年不歸省、掛帆
出潞河、相送情耿耿、我亦久客人、淚下如縻綆。

草堂春懷二首

一春無好月、見月春將暮、冰雪積層陰、乾坤變縞素、城
外失青山、城中眇綠樹、燕薊多悲風、車馬逐廣路、冠蓋
互相索、攘攘皆有故、惆悵我何爲、獨悔三年誤、
烽火照西南、兵馬出幽薊、徵調急中原、突馳千萬騎、陰
雪結慘悽、春日無佳麗、望我故鄉書、三月杳難寄、不如
且旋歸、憂時門蚤閉、無爲在岐路、自昧全身計。

三月晦日黃大宗抵都門以詩見投次韻

古今朝暮等蜉蝣空悔天涯久浪遊鶯老正憐千里別
花飛難送一春愁看來故國人青鬢聽到晨鐘我白頭
從此西園歸未晚日開三徑納羊求

安山曉泊同黃大宗蔣寄漁程然明就深林野飲
春無限韻二首

岸草涓涓淨沙平一望圓野塘新漲雨官柳夕陽蟬扇
簟搖輕浪山橋隔遠烟解衣同席地坐嘯晚涼天
望鄉心共急選勝得餘閒綠合雙崖樹青圍四面山蟲

聲咽細草帆影落前灣同是天涯客淹留轉破顏

太白樓

任城城上擁樓臺想像風流共舉杯南北河聲千里合
東西山色兩邊來季真把臂原知己子美呼鄰獨愛才
多少詩篇留四壁不如高樹晚蟬哀

南菴自白門返湖心寺同杜湘草程宛超方聖與
黃大宗過訪不值
紅葉江南落盡時片帆飛處望吾師雲中錫杖來初地
霜後芒屨赴舊期久別還虛今日聚相尋翻似昔年離

湖寒水山門掩却向前溪更訪誰
珠葉燈夕憶去年在都門
去年鼙鼓震燕京燈火無光雪未晴十日九門仍大索
一時六詔忽遙驚只愁爲客魂難定竟喜還鄉月倍明
老眼可憐昏漸久不知何日見昇平

荅蔡靜子

謂汝能文章文章亦有因不貴識者多知己足一人
昨日濁水泥今日席上珍守此明月珠暗投衆所嗔

何烈女墓

寄溝在弘治間妓館環列有泗州何氏
女誤嫁娼家既入門察其非良自刎死
有司題旌建祠表
墓至今歲祀不缺

苔滿殘碑草滿丘尚傳何女重千秋風塵誤落身名潔
時代雖遷祀典留萬死芳魂歸白刃一生烈氣斷青樓
謾誇此地饒歌舞盡化寒烟傍水流

懷陳階六鞏昌

隴西聞失守殺氣滿秦關半載無消息孤身落險艱可
憐垂老別何日望生還縱不罹兵火應衰久病顏

合浦霜鐘

一百八聲聲滿村東西敲落夜霜痕身依半榻燈初暗

古詩堂集
夢破孤牕月漸昏、特地飄來纔過耳、誰能聞此不驚魂、
景陽宮裏多荒草、何意寒鐘此處存、

秋暮感懷五首

東北有荒田、新淤可種豆、天無愆陰陽、人不失耕耨、豆
花日已新、豆葉日已茂、七月秋水長、田間如決溜、花葉
委逝波、茫茫不可救、隴阪雖自高、餘苗復不秀、日暮悵
望歸、腰鎌垂兩袖、歎息顧妻子、何以療饑瘦、

風雨敗我垣、日月穿我屋、垣敗補藤蘿、屋穿翳林木、一
朝變秋霜、驚飈吹大陸、木脫蘿藤枯、敝廬盡傾覆、滿目
悲荒涼、誰與謀修築、

春前喪子婦、禮殺力亦疲、母病纏九夏、藥餌常相隨、舌
耕寧幾何、繁憂煎心脾、賴有主人賢、束修多先期、先期
能周急、何異賣新絲、骨肉二十口、難免秋冬饑、
課子學爲士、爲士學不殖、課子學爲農、爲農常艱食、商
賈豈不願、空囊憂無力、生寡食反衆、百端相迫逼、婚嫁
半未完、老至焉能息、五岳期何時、杳渺曷有極、

差池梁上燕、巢羽東西徧、譬彼搖落客、遨遊不知倦、南
馳盡炎荒、北走入畿甸、屢空常傍人、遂令身軀賤、維時

古詩堂集
天下寧四海無爭戰所得苟升斗亦足供羞膳昨歲還
家鄉驚飛滿眼箭薄田復災傷無以為歡宴緬懷平子
賦四顧愁霜霰歲寒諒不移時窮節乃見

穀日雨

穀日霏霏雨占年定若何家貧愁歲歉身老畏陰多生
計餘殘帙荒田付決河晚晴倘可待搔首望春和

寧夏書來聞階六已離鞏昌

近得銀州信傳君出鞏昌秋深應過隴春到未還鄉路
遠青烽隔天高白髮長此時何處在行止定倉皇

閩水

丙辰五月二十七日河決淮揚兩郡溺死者
無算

高堰如城水如賊年年防水水莫測丙辰五月雨十日
波撼長堤守不得洪水倒注勢可駭桑麻到處成滄海
蛟龍得意占民居飽餐人肉甘於醢屍骸遍野誰人收
數口繩牽逐亂流流屍有七八口以
繩牽連同死者自料偕亡無計脫
骨肉尚冀同一丘開有巢林與升屋或存或墜俱枵腹
不食三日餓亦死性命懸絲更慘酷昔聞此水高於城

城郭人民晝夜驚古人裡祀沉蒼壁郡門投楔洪流平

總漕帥公以郡治
署扁投水厭之誰云此事絕新奇厭勝之術古有之

聖賢捍禦大災患，隄防疏導能先期。嗚呼城郭人民爾，莫舞而今四境無乾土。皇天奪爾衣食資，饑寒側目皆豺虎。

初秋程次清招泛蕭湖黃園二首
小港通幽處，深林隱曲池。岸移花不改，人到鳥先知。漁屋孤舟繫，僧門一石支。今年秋水濶，來往任篙師。
池外陂塘滿，移舟就止園。山紅歸夕照，水綠射秋林。鳥落寒潭淨，蟬吟晚樹昏。眾賓各盡醉，舟子吸餘樽。

重陽前三日嚴顥亭少司農潞河書至憶癸丑都

門見招亦是日也

昔年此日共銜杯，今喜霜鴻薊北來。千里人憐秋水隔，數行書到夕陽開。侍郎清嘯臨官閣，野老高吟下釣臺。却好重陽期又近，菊花時節憶追陪。

紅樹樓同蔣荆名持螯

野人扶杖出迎客，秋氣蕭森入我宅。樓外霜乾柏葉紅，牆頭日晒瓜藤白。携錢入市買霜螯，酷愛盈筐貯玉膏。秫酒初香君莫去，滿天雁過碧雲高。

送胡天仿之東海

浪泊雲臺境久荒，憑空東望是扶桑。
雞聲啼處乾坤白，魚眼開時日月黃。
滿目山川連海岱，千秋人物數齊梁。
而今俯仰無消息，莫歎蓬瀛跡渺茫。

登龍光閣

閣爲崇禎時朱未孩中丞建

危欄面面玉玲瓏，俯睨層城氣槩雄。
萬堞參差迷近遠，兩河噴盪失西東。
誰家砧響涼風外，有客帆飛落葉中。
我記閣成猶弱冠，前賢高宴坐晴空。

春暮雜感

桂樹本嘉木，扶病良足珍。
昔在嶺表時，愈老彌芳辛。
一且植淮南，蠹壤無與倫。
服食一誤投，往往能殺人。
物性不相類，賢愚各有因。
始信橘踰淮，化枳理亦真。

除夕

袖手荒城一老人，冰霜相逼向誰親。
暮年高興方稱健，除夕能閒正爲貧。
頗耐饑寒消永夜，妄將時命待來春。
燈前骨肉咸嘻笑，白髮重添滿鏡新。

花朝

春來一半不知春，今日花朝欲問津。
到處鶯花難着眼，總無風雨亦愁人。

蘇無春愁三首八

寒食何曾到荒厨，久斷烟出郊將掃墓，不祭似無田遲日陪鶯坐。春風對柳眠，彼蒼誰與訴，洒淚滿青阡。

閉戶光陰過，登城古道斜。半天連草色，一水隔桃花。野港魚兒路，茅堂燕子家。那堪遲暮景，辜負舊生涯。

硯田勞我力，朋友跡多疎。裏足非辭客，攢眉有索居。一身關俯仰，衆口怨詩書。何計繁憂脫，過從自不虛。

賦得三月正當三十日

三月正當三十日，登樓遙望滿平蕪。陰晴不定憐鳩婦。

開落無端問鼠姑，往昔良朋誰健在。今朝美酒莫停沽，春光雖說年年好，一刻蹉跎盡老夫。

再彭城西放舟

水綠城邊放野航，一尊新酒麥秋涼。棟花風起魚苗細。

芹菜泥融燕觜香，憑弔西臨枚里近。悲歌南上釣臺荒。

祇今擊楫中流處，三十年前見插秧。

琉球貢使挂百錢釣臺，再拜而去感作。

釣臺無主傍堤開，萬里東南貢使來。手奠百錢如一飯。

古今知己盡塵埃。

古今觀荷

萬樹新蟬噪日斜，赤欄青幕看荷花。他時細認城陰路，渡口西邊第一家。

予自閩入粵，徧歷燕楚吳越之間，既歸田園，荒蕪

殆盡，偶臥靈水姪孫齋中，漫吟一律。

率意登車十八年，歸來田舍總茫然。鄰人苦說波沉屋，

野老驚看雪滿顛。籬外菜花黃似酒，牕間柳絮白于棉。

諸孫笑接青藜杖，短榻高齋自在眠。

春暮過漣莊，喜嵇爾卜姚仁，長置酒相招。

老至親朋少，相逢更覺歡。南鄰邀酒伴，東市具盤餐。雨

過花光濕，風來麥秀寒。今年春喜閨黃鳥，未啼殘。

山堂共學

崇禎丁丑始與閻子再彭肄業新城宅南別墅，帖括之餘，間及經史詩古文詞之學，道既合，訂生死交，曰二我錄。

弱冠期為白首交，同心真筮得朋交。後來邂逅世非初志，

幸作人間兩繫匏。

秋心聯詠

丁亥同靳壁星有三子，秋心之刻，壁星稱茶坡樵子，再彭稱飲牛叟，予稱虞山逸民，昭陽李小

有先生序之小有自稱虛天游

漁樵耕讀葛天民原為逃名出世塵一自吟詩名共出
翻令四海識三人

蒲菴遁迹

戊子再彭慕平橋河西林泉幽勝結庵日一蒲閣日影閣巢日鷓巢墩日鶴墩與予觴詠其中為棲息之地

山花林鳥一茅菴朝夕聯吟坐碧潭許我逃禪無酒禁

醉來同臥老僧龕

未至飲牛招飲

已丑予賦鵲巢再彭招隱飲牛草堂堂在一蒲菴西數里湖田浩淼繫畫舫於堂側予讀書其上倦則垂釣再彭時載酒米相餉

避亂無家何處歸草堂招我飲牛肥免教八口憂饑寒

穩着青簑上釣磯

南徐秋舫

辛卯再彭之潤州約偕往秋高葉脫江波動澹放棹金焦北固之間以為樂著秋舫詩

江南攬勝傍秋來萬里長風一棹開鐵甕丹楓瓜步雁

兩人回首上高臺

白門東涉

壬辰歲暮、借再彭客金陵、寓青溪、登雨花天界、諸山、望鍾陵積雪、一時唱和、諸同好黃坤五先生、紀伯紫、杜于皇、蒼畧王、雙白梅、杓司也、著東涉草。

朔風吹客晚蕭蕭、歲暮江南弔六朝、松竹萬山同倚杖、

鍾陵一望雪難消。

粵遊春別

辛丑正月再彭觀梅光福、二月予與丘子曙戒有粵行、道出姑蘇、相遇於虎丘、置酒言別、同集者姚山期、金聖歎、曙戒弟季貞、再彭子百、詩暨鏡憐、較書、著觀梅詩。

我浮南海別君遙、春夜吳門帶雨招、綠酒花箋名士屐、

畫船銀燭美人簫。

客閩寄書

甲辰乙巳予徧歷閩中、與再彭往來寄書多品、題閩廣荔枝、以予經兩地飽嘗、再彭久心醉此、果也。

楓亭紅荔豔南天、色味殊香妙莫傳、萬里夢魂君念遠、

前身當是鯉湖仙。

適燕助裝

壬子余適燕、缺資、谷再彭舉簾中畫相贈、鬻以佐裝。

暮年憐我向燕關、瓶罄囊空出入艱、一片孤雲無所賴、

笑拈幾幅賣青山。

海烈婦祠

節烈驚天下、貧兒婦更優、一時傳海氏、千載出徐州、楚國虞姬墓、張家燕子樓、報夫惟有死、今古姓名留

季夏宴集楊園觀荷二首

垂楊青夾岸、一棹入花汀、野水將平檻、斜陽不到亭、踏歌驚浣女、解佩待湘靈、為愛芙蓉好、傳杯手莫停、結社依前哲、悠悠繼白蓮、池添瓜蔓水、人坐藕花天、遠浦棲幽鳥、高枝亂晚蟬、勝遊有餘興、不忍放歸船

過廬山二首

魚苗風急浪千灣、帆捲帆開那得閒、雲氣接天晴不散、倚篷欹側過廬山

竟日匡廬脚下行、仰看瀑布不聞聲、飛來萬丈難全見、樹裏寒光斷續明

吉水聞鷓鴣續辛丑端州夢中句

萬里還家夢有無、依然高枕臥江湖、草間雙舞玉蝴蝶、雨後一聲山鷓鴣、嶺外瘴烟難再到、灘前惶恐謾勞呼、回思二十餘年過、垂老重聞淚已枯

端州夢中得雨後一聲山鷓鴣句屢

續不就今入吉水忽然足成

廬陵感事

白浪飛空下吉安。山川滿目見凋殘。衡廬色暗三千里。
章貢聲吞十八灘。枉說書生能誑楚。虛傳國士又稱韓。
而今衰草斜陽後。鬼火磷磷哭夜寒。

附集杜

庵居呈再彭四首

上方重閣晚。落日在簾鉤。花葉隨天意。蜂聲亦煖遊。巢
多衆鳥鬪。竹細野池幽。到此應嘗宿。桃源無處求。
野寺垂楊裏。亭深到芰荷。入林樵徑引。回首白雲多。輕

筇煩相向吟。詩許更過渚。浦隨地有。君子意如何。
步屨深林晚。長吟野望時。啼鳥爭引子。臥柳自生枝。亂
水通人過。輕風生浪遲。應須理舟楫。舍此復何之。
畏人成小築。不是傲當時。水淨樓陰直。沙暝日色遲。尚
憐詩警策。相近竹參差。柔櫓輕鷗外。欣欣物自私。

附詩餘

雨過訪王玉映吳山空樓值移居

巫山一段雲
小令

黃葉飛朝雨。紅樓散午烟。蠅頭小楷覓濤牋。粉壁貼依
然。舉案偕鴻隱。吹簫跨鳳仙。晚寒袖薄倚誰邊。只在

此山前

留別張圯師孺懷

憶江南

小令

江南憶最憶是秋花十里紅蓮垂露冷滿山丹桂帶風
斜回首失天涯

嘲蕭九娘

七娘子

小令

蕭家娘子風情好倚壚自歎紅顏老髻挽雲山裙拖湖
草垂楊繫馬門前少冷泉亭子飛來繞傷心夜夜聞
啼鳥朝捲疎簾暮依寒篠私心暗把流年惱
蚤起望山頭雪色有感

卜算子

小令

青山白了頭昨夜愁多少怪得江南恨別人那不增煩
惱舉酒勸山翁為汝開懷抱飛出金烏白盡消人老
真常老

平望舟夜煎茶

踏莎行

小令

舟小村荒灘高夜靜硯池細落燈花影紅爐火活起秋
濤篷牕一陣松風冷手碾龍團湯沉鳳餅酒喉渴解
詩脾醒山童無語各垂頭甌香獨向寒江領

烟湖

如夢令

小令

峯壓翠螺千疊浪皺綠裙幾折一舫出湖心天影水光

明滅紅葉紅葉飛過夕陽山缺



程